

1924/2

ეროვნული
ბიბლიოთეკა

ბრძოლი სანივი




№ 11-12

სახელმწიფო გამომცემლობა — 1925 წ.

შ ი ნ ა ა რ ს ი:

	გვერდი
1. ზამთარი—ლექსი ს. წივილისა	1
✓ 2. როგორ გავხდი რევოლუციონერი — დ. თურდოსპირელის	1
3. პროლეტარი—ლექსი მ. გოგიაშვილისა	6
4. ჩვენ ავაფეთქებთ—რევ. პიესა ს. ერ-ლისა	6
5. მოდის ზამთარი—ლექსი ალ. როშაქიძისა	8
6. ერთადერთი—რობერტისა. თარგმ. ზ. გრძელიშვილისა	9
7. ზამთარი ქალაქში—ლექსი შ. ქინქლაძისა	15
8. მეგობრები— დიომიდე ანთაძის	16
9. ახალგაზრდათა კომუნისტური ინტერნაციონალი— შ. შეწირულის	17
10. კომკავშირის 7 წლის თავი— შანის	18
11. ვანო სარაჯიშვილის ხსოვნას— შ. თაბუკაშვილის	19
✓ 12. ვანო სარაჯიშვილის—ლექსი ილ. სიხარულიძის	21
13. როგორ წარმოიშვა ადამიანი (თარგმანი)	21
14. ორთქლი, როგორც მამოძრავებელი ძალა— ე. ჩერქეზიშვილისა	23
15. მეცნიერება და ტექნიკა	27
16. ვასართობი	27




899.962.1(05)
წ-63.

1924
ნოემბერი
დეკემბერი


განათლების სახალხო კომისარიატის სოციალურ აღზრდის მთავარმართველობის
და ახალგაზრდათა კომკავშირის ცენტრალ. კომიტ. ჟურნალი ბავშვებისათვის.

წელიწადი 1.
№ 11-12

ზამთარი



არი არხვეს,
ნისლებს ახვევს
აკაციებს.
გახმა ისლი,
შავი ნისლი
სტრავს, აციებს.



ზღვისფერ ჭავლებს
ნისლებს ავლებს,
კენესის ქნარი...


* * *
მზე ჩაქრა შორს,
მიწის ამბორს
ვერ ახერხებს.
ქარი გმინავს,
თოვს და ყინავს,
სცივათ ვერხვებს.

სიმონ წიველი.

* * *
შიშველ კორდებს
მწუხრ აკორდებს
უმღერს ქარი...

3801
4801

როგორ გავხდი რევოლიუციონერი



I
გინდათ, მეგობრებო, გაიგოთ,
როგორ გავხდი რევოლიუციონერი?

ძალიან კარგი! გაიმბობთ.
ოღონდ მოზრდილი ამბავია.
მოთმინება იქონიეთ.

ჯერ ზოგი რამ ჩემი აღზრდის პირობებზე.
ამას აქვს გადამკრელი მნიშვნელობა.

მე რომ ბედის მადნებით ვყოფილიყავი მდიდარი და ყანდით დათაფლული, ძნელი საფიქრებელია ისე გავეტაცე რევოლიუციის ტალღებს, როგორც ბავშვებს იტაცებს ღალანა ყანაში შეფრქვეული ყაყაჩოები.

არტახებიდანვე დამყვა გაჭირვება.
მამა გარდაგვეცვალა თუ არა, სოფელი აგვიღალავდა... ყველამ ყბად აგვიღო. აგვითვალისწინა. ასე იციან. დაუნდობლები არიან...

ჭკვიანი იყო დედაჩემი სალო, სარისტის დამკერი.

არ უნდოდა ხბოების მდევნელად დავრჩენილიყავით...

— უსწავლელი გონიერი მიჯაჭვული ლომიაო — იტყოდა ხოლმე... ჩემი შვილები კი მინდა იყვნენ არა დაბნული, არამედ თავისუფალი, დამოუკიდებელი... უნდა როგორმე სწავლა მივალდებინო.

ჩავესხა „ფურგუნში“, თვით ფეხით გამოჰყვა და გამოვემართეთ შორეულ უცნობ ქალაქსკენ... საზარელია ქალაქი — ვეშაპივით ლაშდარენილი... შამთქველი... უმწოთა დამაწიოკებელი...

ავლაბარში თვეში შეიღაბაზიანი ბუღრუგანა ფარდული ვიქირავეთ...

ვიწყეთ ღუხჭირი ცხოვრება...

სრულიად უსწავლელი დედაჩვენის ერთადერთი ხელობა იყო მესარეცხეობა...

და შეუდგა დედა ამ დამქანცავ ჯაფას...

ყველა ვმუშაობდით...

მტკვარზე ვეზიდებოდით მატყლს გასარეცხად...

წელ-გული გადაგვწყდა მათს ზიდვაში...

ხელ-ფეხი გადაგვეჩქვლიოდა რეცხვაში...

მაინც ცოტას ვღებულობდით გასამარჯელოს...

ჩაის და მჟავე პურის მეტს ვერასა ვყიდულობდით...

მხოლოდ ეს იყო ჩვენი ნაყოვნება.

ხანდახან უგემურ ხირხიტოს თუ მოვაფიშფიშებდით...

ისე შეუნელებული იყო ეს სალაფავი, რომ ძალიც კი არ უსუნებდა...

დედა მოხერხებული იყო...

რომ რაიმენაირად გაესაღებია იგი—ორი-სამი კაპეიკის მწვანელით შეანელებდა... დააქივლებდა წყალს, ვითომდა ნაირ-ნაირი საჭმელები გვექონოდა, და ისე შეგვატყუებდა.

სადილობის წინ მოდღესასწაულე კილოთი განაცხადებდა:

— დღეს იშვიათი საჭმელი გვაქვს, ხელმწიფესაც არ ექნება იმისთანაო...

ჩვენ მივცვივდებოდით თვალეგაბრწყინებულები...

ეს კია, რომ მაგრერიგად არა გვეჯეროდა...

განა რა ისეთი ბედნიერი დღე დაგვიდგა, რომ კარგი საჭმლით გაგვაბედნიერესო...—ვფიქრობდით ჩვენა...

-- გენაცვალე, დედიკო, რა გვაქვს სადილად?..

— მოიცათ, გავშლით სუფრას და მაშინ იგემებთ...

— ხინკალი?...

პირში ნერწყვი მოგვევრია... ახ, ხინკალი, ხინკალი!... ვინ გვადირსებს.

— არა; ხინკალი არა გვაქვს!

— ყაბულა ფლავი?

— არა!..

— ჩიხირთმა?

— არა!...

რაკი არ ვეშვებოდით და თითქმის ყველა საჭმელს ჩამოვთვლიდით, დედა მისტიური კილოთი გვეტყოდა:

— ჩვენ დღეს სადილად გვაქვს ხელასმური.

— ხელასმური?

— რა არის ხელასმური?...

— ოო, თქვენ არ იცით რა არის ხელასმური.

— გემრიელია?...

— თითებს დაიკნენთ ჭამით...

ასე გვიშვრებოდა პიპნოზს დედა.

გაიშალა სუფრა.

ჩვენ ხის კოვზები მოვიმარჯვეთ...

ხმელ-პურ ჩაყრილ ჯამებში აორთქლდა ხელასმური.

ვეციოთ...

იმავე ძველი საჭმლის გემომ მოგვეგვარა ზრუნვა...

თვალი მოგვიცრემლიანდა...

ავწრიაკდით...

განზე გავდგით ჯამები. .

— ვინც არა სჭამს, დედა მოუკვდება!... — გვაძალებს დედა, რომ სულ უქმელი არ დავრჩეთ... არ დავსუსტდეთ შიმშილისგან.

დიდხანს არა გრძელდებოდა ჩვენი ბუტიაობა.

არ ვიცი, დედის სახელის დაფიცება ახდენდა ჩვენზე გავლენას, თუ შიმშილი, თუ ორივე—მალე ავამუშავებდით ჭრელად შედებილ კოვზებს...

ისე მოვთათლავდით, რომ ნამცეცი არსადა რჩებოდა.

დაობებულ პურსაც ამნაირი ოსტატობით გვასაღებინებდა.

მჟავე პური რა არის, მძაღვ, ობმოკიდებული რაღა იყოს!...

— ვინც ამ ყუას გაათავებს, აბაზიანს იპოვნისო...—გვაგულიანებდა დედა, რომ პურით მაინც მოვეყვანეთ არაქათზე...

ჩვენ ხომ ისე ვიყავით გადაშირულნი, რომ გასიფრთხანავებულ ცხვირში სინათლე გავდიოდით...

— აბაზიანს ვიპოვნით?—ჰკითხულობს ჩემი უმცროსი ძმა ბაგრატი... რა კარგი იქნება!... ყინული შექრის მამლებს ვიყიდით... ალტაცებაში მოდის იგი და ცმუკავს... ფართხალებს კალმახივით...

მისი პატარა, ნორჩა ოცნება უკვე ნაირ-ნაირ სანახაობით სტკებდა...

ხუმრობა ხომ არ არის აბაზიანის პოვნა...

რამდენი რამე მოუფა აბაზად...

და ჰღრღნის, ჰღრღნის გაკორაწებულ პურს...

მე რამდენჯერმე მქონდა ნაწვენევი იმედის განიავება აბაზიანის ასეთი ძებნის დროს...

მაგრამ ბაგრატი ისე მადიანად სჭამდა პურს, რომ მე ძალაუნებლიეთ დავეჭვიანდებოდი...

— ვინ იცის, ეგება მართლა ვიპოვნოთ, თუ აბაზიანი არა—უზალთუნიანი მაინც...

და მეც ვიწყებდი გაალმასებული კბილებით გამხმარი პურის ფქვას...

როგორც ბედნიერების ლურჯი ფრინველი ჯერაც არ უპოვნიათ ტილტილ-მილტილს,¹⁾ ისე ჩვენ ერთხელაც ვერ მიგვიგვნია აბაზიანებისათვის...

თუ საქმელიც არა გვქონდა, მით უფრო არ გვექნებოდა შესაფერი ტანისამოსი...

დედას სხვისი ტანისამოსის ჭრა-კერვის დროს რჩებოდა პატარ-პატარა ნაკუწები...

როცა ვინმე ძველმანს აჩუქებდა, დედა ამ ნაკუწებით დააკერებდა მას და ისე გვმოსავდა.

ფარშავანგის ფრთებივით აჭრელეებული იყო ჩვენი „სალუქი სამკაული“...

დაბეჯითებით ვერც კი ვიტყოდით, უფრო რა ფერისა იყო იგი...

ერთხელ გავხდი ღირსი ახალი „მუნღირისა“, მაგრამ ვაი იმ ბედნიერებას...

ვილაცას დედასთვის ეფეშქაშნა რეალურ სკოლის მოწაფის „მუნღირი“...

მოწაფეები ახლა არიან სადად ჩაცმული, თორემ ჩვენ დროს მდიდრებს ბრჭყვიალა ზოლებით და ხავერდით მოპრიალე ტანისამოსს აცმევდენ...

ყველა სკოლას თავისი ფორმა ჰქონდა.

ბავშობიდანვე აჩვევდენ გარეგან სიბრჭყვიანისადმი ტრფიანს...

ადრიდანვე აღუძრავდენ ჩინ-ორდენების სიყვარულს...

მოზარდობა, მცირეოდენის გამოკლებით, მონღლებად ცხვებოდა...

იმას ვამბობდი... ისეთი ზიზილ-პიპილა მუნღირები ეცვათ მოწაფეებს...

არ ვიცოდით, თუ მისი ჩაცმა სხვისთვის აკრძალული იყო.

მომიტანა თუ არა დედამ სერთუკი, მყის გამოვეწყე...

ეხლავე უნდა აგიწეროთ ჩემი იმდროინდელი სილუეტი...

დავიწყეთ იმავე მუნღირიდან...

იგი იყო მწვანე მაულისა...

იდაყვში გამოგლეჯილი იყო და დედამ საკერებელი დაატმასნა.

მართალია, მისი ფერი ვერ იშოვა, მაგრამ რა უშავს.. დე, სხვა ნაკერი ეკეროს...

შახსა და პეწს მაინც ვერ დაუკარგავს მუნღირს...

შარვალი იყო სრულიად გაწყალეებული და გახუნებული...

საჯდომზე სათვალესავით ვარი ნაჭერიცა იყო ამოკერილი...

მუხლის თავზედაც ერთი ნაკუწი „ხალად“ იყო ამოგვირისტებული...

ამ მხატვრულ სანახაობას აგვირგვინებდა თუშური ქუდი...

ისიც ერთ ალაგას ისე იყო ამოგლეჯილი, რომ თმა ყალზე შემდგარი გამოიყურებოდა.

დარწმუნებული ვარ, სადმე კონკურსი რომ დაენიშნათ სასაცილო სამოსისათვის, ჯილდოს უეჭველად მე მომანიჭებდენ...

ასე გამოწყობილს მომინდა გამესეირნა ქალაქისკენ—უნდა სწორებისთვის მეგრძნობინებინა, რომ არც მე ვარ ქუჩაში ნაპოვნი ვივინდარა...

მეც შემიძლია კარგად გამოწყობა...

მიედივარ...

ცა ქუდად არ მიმაჩნია, დედამიწა ქალამნად... ჩემზე შახიანად მორთული არავინა მგონია...

— ხაბარდა!... ხაბარდა! გზა, გზა მოგვეციოთ!...

მიედივარ და მივიმდერი ავლაბრულ შიქასტებს...

ვნახოთ, თვალი მომკრა სამმა რეალისტმა...

ჩემსავით გადალასლასებულ-გაკნაპულები კი არ იყვნენ...

ლოყები თურაშაულივით უღვიოდათ...

უეჭველია, ბრწყინვალეთა შთამომავალი ბრძანდებოდენ...

— ბიქოს!... ეს ლაყინტარა რას გაკანდიერებულა, როგორ არცხვენს ჩუენს მუნღირს... ჰკა მაგასაო—წამოიძახა ერთმა მათგანმა და წამოვიდენ ჩემსკენ...

იმ წამსვე ვიგრძენი, კარგი არა დამადგებოდა რა...

მოგკურცხლე და ახლა რიგორ!...

ფეხმარდი აქილესიც ვერ დამეწეოდა, ისე მიეჭროდი ისარივით, მაგრამ ერთგან უნდა მომეხვია...

ერთმა შეჩვენებულმა მოწაფემ მიყელა და დამიჭირეს...

გაიმართა ძიძგილაობა...


ორიოდე კი ვუთავაზე თითოს, მაგრამ მათ დამძლიეს...

გამიგდეს ფეხ ქვეშ...


ლაზათიანად მიმთეთქვეს...

დამალილავეს...

ლაზარესავით ამომთართლეს ტალახში... ამაო იყო ჩემი ყვირილი... გამკლერ-გამომკლელი დიდები შემოგვეხვივნენ და ხარხარობდენ... ხითხითებდენ...



¹⁾ მეტრეღინგის პაესა „ლურჯი ფრინველს“ გმირების სახელებია.



თითქოს სასიამოვნო სერს უყურებენო, ისე ერთობოდენ ჩემი საცოდაობით...

შეიძლება დიდხანს გაგრძელებულიყო ეს გაწამაწია, მაგრამ სად იყო სად არა, გაჩნდა ქუჩის ფარაონი—პოლიციელი...

მეგობრულად გაუღიმა ბატონიშვილ რეალისტებს...

მე კი წამომითაქა კოსროში და მომადახა:

-- Пошел!.. не смей больше носить мундир благородных!..

ამნაირად, მხოლოდ ერთხელ შეღიროსა ჩემს ბავშობაში ახალი სამოსი და ისიც საბედისწერო გამიხდა.

უმხიარულოდ, უხალისოდ მიზოზინებდა ჩვენი ტიალი ცხოვრება.

ღელა წელეებზე ფეხს იდგამდა, გველის ტყავში ძვრებოდა და მაინც ვერ აპურებდა ამოდენა ოჯახს.

გაჭირვებამ ჩამოაღხო, ჩამოაღნო...

აჩრდილად აქცია...

აღარაფერი დარჩა მისგან, გარდა მოსიყვარულე თვალებისა და მთრთოლავი გულისა...

მე კანკალით ვფიქრობდი იმაზე, რომ შეიძლება ტიალმა ბედმა ეს უბედურებაც არ გვაკმაროს და იგი სიკვდილს გაატანოს...

სამარადისო განუწყვეტელი რიღე ჩამოაფაროს მისს გაცრიატებულ თვალებს...

რამდენი წლისა იყო?

არ იცოდა. აღარ ახსოვდა.

ისე გადაეჩვია თავის თავზე ფიქრს, რომ დაავიწყდა თვისი წლოვანობა.

თავი მეტად მოხუცებულად მიაჩნდა.

ცისმარე ღღე შორით-შორს დაიარებოდა სამუშაოზე თავისი დაღლილი მუხლებით...

ჩვენს ოჯახში ხანდახან სიმღერაც გაისმოდა... მაგრამ ვერ გამოიცნობდით, ქვეთინი იყო, თუ მხიარულება.

უფრო ქვეთინსა ჰგავდა...

ჩემი უფროსი ძმა — მჭედელი ლევანი, როდესაც მოიღვასლებოდა აღმოუჩქმელი ჯავრით, — იწყებდა სიმღერას...

ნაღვლიანი იყო მისი შელოდიები. იგი მოსთქვამდა:

„შემოდგომის მწუხრივით ნაღვლობს მაშვრალთა მხარე, ჩამქნარ იმედების ბაღს დასტირის გლოვიარე.

სახრჩობელებზე გმირთა გადმოკარკლეს თვალები. ჩვენის განწირულებით სტკებებიან მტარვალეები“.

ვისმენდი ამ ჰანგებს და უსასოო ღამესავით მეღვენთებოდენ სულში...

მინდოდა მეც მექვეთინა... ვგრძნობდი ღიდ ნაღველს... კაეშნის მიზეზს ვერ მივმხვდარიყავ... მაშინ ჯერ არ მქონდა შეგნებული ის საშინელი მდგომარეობა, რომელსაც ჰქვიან სოციალური უთანასწორობა...

როცა წამოვიზარდე, მაშინ გავიგე, რომ ამ დახვსებულ ცხოვრების წინააღმდეგ იბრძოდენ მუშათა კლასის რჩეული შვილები... ისინი აპყავდათ სახრჩობელებზე... მათ მისტიროდა ფიქრცრემლიანი ჩემი ძმა...

წინეთაც კარგა ვხედავდი, რომ ბედი ზოგისთვის ვაგლახობდა, ზოგს კი ბედნიერების ღრეობას ანიჭებდა...

მიუხედავად ამისა, პირველად განუსაზღვრელ ზიზღს მაინც არა ვგრძნობდი ბედნიერთადმი...

მეგონა, ეს ღვთისგან იყო დაწესებული... ასე უღრტვინველად, ბედის მორჩილებით ვატარებდი ღროს...

შეიძლება ასევე გაგრძელებულიყო, რომ რამოდენიმე შემთხვევას არ გამოვეფხიზლებიე მონობის თრიაქისგან...

მხოლოდ ამის შემდეგ ამეკვესა გულში სიმძულვარე ფუფუნების შვილთადმი და წყურვილი მათი გაუბედურებისა... ზღვევის მიყენებისა...

აი პირველი შემთხვევა.

ერთხელ რომელღაც გიმნაზიაში ღატაკებისთვის გამართეს შობის ხე...

მოუყარეს თავი ქუჩის ამარა მიტოვებულ ბავშებს...

ღელამ ჩვენც წაგვიყვანა... ზედა-წყვეტა იყო...

ეშიშობდით, ვაი თუ ვერ გაგვერღვია ის მოზღვავებული, მოგურგურე ხალხი და გარეთ დავრჩენილიყავით...

როგორც იყო, ღელამ მიგვაახლოვა... გაიღო კარი და...

მშვენიერი სანახაობა გამოჩნდა.

ფერადი სანთლებით აელვარებული შობის ხე... ქველმოქმედი მანდილოსნები გედებივით და...

ცურავდენ...



ფარჩისა და ატლასის ოქრო-ნემსული ქათიბე-
ბით შემოსილნი...

ყველას გულ-მკერდი ლაპლაპებდა თვალ-მარ-
გალიტით...

ლატაკი, ყაყიან-წვირიანი ხალხი ისე ჰყარდა,
რომ იზნიდებოდენ აზიზად ნაზარდი მანდილოს-
ნები

ხელსახოცს ცხვირიდან არ იშორებდენ...

შობის ხე ლაღლადებდა და ლაღლადებდა...

ის სრა-სასახლე და ლამაზი ცხოვრება შევად-
რე ჩვენს შვიდაბაზიან ქოხს და გატანჯულ არსე-
ბობას.

შევადარე დედაჩემი - დაკონკილ-ფალასიან, გა-
კნაქულ-განათებული - მათ, გააზიზებულებს...

და შემძულდა ეს დიდკაცობა.

შემზიზღდენ ისინი გველებივით, თუმცა მათ
გაგვიმართეს გასართობი...

კოხტა, ლამაზი პარკებით სათითაოდ დაგვირი-
გეს ხილვეულობა...

არც მეორე შემთხვევას დაუგვიანებია...

ხშირად დედას სამუშაო შემოაკლდებოდა და
მას უნდა ეთხოვნა მდიდრებისთვის, რომ სარეცხი
მისთვის მიეცათ დასარეცხად...

ხშირად ოჯახურ ფუსფუსს თავს რომ ვერ გა-
ართმევდა - დასწერდა წერილს და მე გამატანდა...

მოწყალებას ხომ არ ეთხოულობდით, მაგრამ
მაინც მიმძიმდა წერილის მიტანა...

აი, ერთხელ მივეუახლოვდი ნაცნობ მდიდრის
სასახლეს...

სიმწრის ოფლს მასხავს...

ვიწყე შორიდან ყურება...

გამოჰქრის როიალის ტიტინი...

ვიღაცა ბედნიერი ნებივრად დამღერის...

ვერ შევბედე...

დავბრუნდი შინ...

მაგრამ...

როდემდის გაგრძელდება ჩემი ურჩობა?...

შემშილი მებედვინებს...

მეორედ მივიღვარ...

რადაც უნდა დამიჯდეს, უნდა გადავცე წერი-
ლი...

ნაბ-ნაბით მივეუახლოვდი კარიბჭეს...

აკანკალებულმა დავადე თითი ელექტრო-
ლილს...

— დაგ-ღუგ!... დაგ-ღუგ!... — სცემს ჩემი გუ-
ლი...

დავაწკარუნო... არ დავაწკარუნო...

როგორც იყო, მოვიეც მხნეობა და გავბედე...

შორს გაისმა წკრიალი...

მე აფეთინდი, მაგრამ კარებს მაგრად ჩავებ-
ლაუჭე, რომ არ გავქცეულიყავი...

გამოვიდა „ლაქია“ ..

ეგონა, ვინმე ავტომობილით ეწვიათ სადარბა-
ზოდ...

პირკატა ეცა, რომ დამინახა...

ჩვეული არ არის ვიღაც ქუჩის ბიჭებისაგან წე-
რილის მიღებას...

ჰგონია, ქურდბაცაცა ვარ, ნიეთების ასაწაპნად
მისული...

წერილს ცხვირში მახლის...

ქუდსა მხდის და შორს ისვრის...

ყელში მომებჯინა ბოლმა...

რას მემართლებოდა?

უნდა წამომელო მათი ქუტყიანი საცვლები...

ჩვენი ისედაც ნესტიანი ოთახი უნდა გაგვექდნთა
სარეცხის სიმყარალით... უნდა დაგვექათათებია და
ყველა ამაში მიგველო ორიოდ გროში...

ისიც შემურდათ...

იმასაც გვამუნათებენ...

შემზიზღდა, შემზიზღდა მდიდართა კლასი...

როგორც ხარ-ირემს მოსწყურდება წყაროს და-
წაფება, -- ისე მე მომენატრა მათდამი მუქაფის მიზ-
ღვევა... შურისძიების კალოზე მათი გაშხლა-
რთვა...

მაგრამ რანაირად?...

მე ჯერ ისევ ჩჩვილი, გამოუცდელ-განუვი-
თარებელი ვიყავი და ვერ გამომენახა ღონის-
ძიება...

ახლა რომ რევოლიუცია სჩქეფს და ქაფ-ქა-
ფებს -- ასე როდი იყო მაშინ...

ის დრო იყო საშინელი მონობისა, რეაქციისა
და რას გავაწყობდი.


ბოლოს მაინც გავბედნიერდი...

გავიგე, რომ არსებობდა არალეგალური ორ-
განიზაცია, რომელიც ამზადებდა მუშათა კლასს სო-
ციალურ რევოლიუციებისთვის...

იცით, პირველად სად, როგორ გავიგე და რა-
ნაირად გავეცანი ამ ორგანიზაციას?...

მაგრამ ამაზე შემდეგ...

დ. თურდოსპირელი.



პ რ ო ლ მ ბ რ ი

როს ოქტომბერმა ნგრევის საყვირით
ბებერ პლანეტას მისცა ხანძარი,
რკინის სალტიდან წითელ მახვილით
ვიშვი მედგარი, მძლე პროლეტარი.

ჩარხი მოემართე წინგაქანების,
მოვქრი ტრიუმფით, მზე-წითელ გზაზე,
დღეს ვარ მორჩილი შრომის ბრძანების,
როს შემიკვეთავს, მივქრი მის ხმაზე.

მაღალი სულით ვარ მძლე, უკვდავი,
ჩემი გული ჰფეთქს ვულკანიურად,
ვდაღავ შანთებით, მსურს მოვსპო შავი
და წინ მოვქენობ ტიტანიურად.

უსაზღვრო არის ჩემი ჰენება,
განუზომელი მაქვს იდეალი,
შრომის მეუფეს ეგრე მენება,
დრო არს დავცალო ნაღვლის ფიალი.

წითელ შანთებით, აფრიკის მზითა
ვწვავ და არ ვინდობ მტერს, წინ როს მხედება,
წინ მოვიჩქარი ვულკანის წვითა,
მკლავები ჩემი მზეს ცაში სწვდება.

მსოფლიო ღერძის უკულმა ტრიალს
წითელ მახვილით გადვუჭერ მაჯა,
მოვატრიალე და შხამის ფიალს
მე მივუსაჯე ოქტომბრით დასჯა.

ტყვიის ჰენებით მოვაფრენ დროშას,
სისხლის ნარვალში ამართულს მაღლით,
კუმბარით მტრის ჯარს ვუთენებ დროს შავს,
მოდუნებული რომ სუნთქავს დაღლით.

მიწავ ბებერო!!! გზა დამიცალე!
მოვქრი ჰენებით, დინამოს ვნება,
მეყო, წარსულში რაც შხამი ვცალე,
ახალ ცხოვრების შექმნის მაქვს ნება!

მე ვნებიანობ წინსვლის ნაკადში,
ვსუნთქავ ელვას და ვსკამ დინამიტებს,
დახუნდულ დროის ხრიოკ ნაბადში
დღეს გამოვძვერი, გზას ვინ არ მიტევს!!!

მსურს გავუთხარო ბებერ ქვეყანას
დამყაყუბული, დამპალი ძირი,
და ეს ვახარო შრომის მზე-ყანას:
პროლეტარი ვარ მარად მძლე, გამირი.

მ. გოგიაშვილი.

ჩვენ ავაფთქებთ

რევ.-პიესა 1 მოქმედებად.

(სამოქალაქო ომიდან).

მ ო ქ მ ე დ ნ ი:

ზურა — რაზმის უფროსი
როზა — სათნოების და
სპარტაკი — რაზმელი, როზას საქმრო

სცენა: რევინორის ნებაა და მოხერხება: ან ქა-
ლაქის ქუჩა, ან არა და მინდორი, მთიანი.

(ისმის ყიჟინა სროლა, გუგუნე, სიმღერა):

„ახალგაზრდა ლენინელი მოვქრით, მოვიმღერით, —
ამხანაგებო, თამამად, წინ, რკინის სიმა ჯღერით.

არ მივცემთ ნებას მტრებს, მშრომელთ სისხლი
კვლავ ლიოს, —
ჩვენ ავაფთქებთ შეტევით ძველსა მსოფლიოს.
საბჭოთა ქვეყნებს ვხურავთ მხრებზე წითელ
მანტიას, —
და ყიჟინით ვუვსებთ რიგებს, ურჩნი, კომპარტიას.
ხუთქიმა ვარსკვლავსა ვხატავთ ჩაქუჩ-ნამგალზე, —
და ძველ ღმერთებს ვაყირავებთ გადამბუგ ალზე.
ნორჩი გვარდია ვაცილებთ მშრომელ ხალხს
ჯვარცმას, —
ო, ამისთვის მტრებს ვძღვნი მუღმივ ტყვიების
ღვართ სმას.



ამხანაგებო, წინ, ბრძოლის სისხლისფერ ველზე, —
და გაღვებვიოთ ახალ მზეს მარჯნის მწველ ყელზე.

ა.

როზა: (შემოდის) ყველგან სიკვდილი, დაქრილები...
ო, სისხლის ტბებში დაყრილები — ვერ
აუვედით!

აქ სად მოვედი?! (პაუზა).
ჰო... ეს ჩვენი ბანაკია. (ჩამოჯდება რამეზე).
რა სიამეა რევოლუციის ამაყ ჰანგები?!
(აღტაცებულია).

ბ.

ზურა: (შემოდის მეორე მხრით, დაქრილი, ხმალზე
დაყრდნობილი, გაკვირვებული უყურებს)
დაო, როზა!

აქ საით გაჩნდი, რომელ განგებით?!
როზა: (ეხვევა) ზურა! გენაცვა! დაქრილი ხარ? —
სად მოხდა ბრძოლა?!

ზურა: მკერდში მკრეს, მარა...
დაემართათ ჩვენით მათ ძრწოლა!..

როზა: (ჭრილობას უხვევს) არა უშავს-რა, საშიშო
არ-არს, მორჩები მალე! —
აი, აქ დაჯექ...

ზურა: შენ გენაცვალე... (პაუზა).
იცი, როზა, შენ რომ იცი, —
როგორ იბრძოდა?!

როზა: მერე?! (გახარებულია).

ზურა: რა გითხრა!... ისეთ საქმეს იქმოდა,
რომ ყველა, მისთა ბრძოლის მნახველი,
უკვდავ, რაინდულ გრძნობით იწოდა.

როზა: აქ რომ ვიყავი, სპარტაკმა იცოდა?

ზურა: იცოდა, ვგონებ... (პაუზა).
რა მე დავიჭერ, ჩემი რაზმი მან ჩაიბარა, —
წინ გაუძღვა,

და დააყენა მტერთა სისხლის ზღვა...
ასტყდა ყიჟინა, ხმაურობა, — ტყვიის
ზუზუნში
ალარრა მახსოვს... ზარბაზნების ქეჩა-
გუგუნში

იელვა ცეცხლის სიტყვამ, და... ითქვა
გმირთა შეტევაზე გადასვლა,
შემდეგ, ხმაურში არეული
უცნობ ხმათა ცვლა...
და, როს გონს მოველ, ყურახეული
მტერი ილტოდა...

ჩვენი რაზმი ძლევით მისდევდა; —
ცის ფირაუზ ფონზე ჩვენი დროშა
ქარით ირწოდა...
მერე არ ვიცი... სიკვდილის ველზე
მეუფლა სევდა...
თვალთ დამიბნელდა... (პაუზა).

როზა: შემდეგ?
ზურა: არ მახსოვს... ან აქ ვიღ მოველ.
ახლა არ ძალმიძს, შემდეგ გიამბობ
რაც მოხდა, ყველას... (სუსტდება).

როზა: რა მოგდის? (ეხვევა).

ზურა: როზა! ვგრძნობ ახლა სული ამომდის.
მარა... ახლოა დაღუბვა სამყაროისა,
და ანათება სანეტარო, ახალ დროისა!..
ო, ჩვენ ვასწავლით, ვინც არ იცის, მას,
სიცოცხლეს ლამაზს,
და სიკვდილს უღამაზესს,
მშრომელი ხალხის საგუშაგოზე,
რომ ვინც მტრობს ჩვენ მზეს, —
მახვილს ვაგოთ ზე?!

ჩვენ უნდა შევქმნათ კომუნა ჩვენი,
დიადი;
მსოფლიოს მშვენი,
გავუანტოთ წყველიადი.
და ავაგებთ რკინის ბასტიონებს შრომის
სიონზე,
ვვარიჟრაჟებთ ელვის რაშებს ტრფობის
სიოზე!..

(თანდათან სუსტდება. ისმის ყიჟინა).
ჰა, თითქოს, ახლოს ლენინი რეკავს
ზარბებსა
და სიყვარულით სდაფნის ამაყ ჩვენს ნორჩ
ჯარებსა.
გესმის ის ხმები?

როზა: დამშვიდდი, ზურა.

ზურა: მოხდება თუ რა,
მინდა გავიგო,
რომ არ წავიღო
თან იქვთ ზღაპარი...
დე, მე დავეცე მიუსაფარი,
მაგრამ, ო, ძმანო!

(ადგება და წარსდგავს რამდენიმე ნაბიჯს)
აათამაშეთ მარადი სიმნი, —
და გამაგონეთ ახალი ჰიმნი...
(მოწყვეტილი დაეცემა) ოოჰ, როზა...

გ.

სპარტაკ: (შემოვარდება წითელი დროშით, თოფი
თასმაზე) როზა!!!

ზურა: მე ვკვდები, სპარტაკ... მარა გამარჯვებას
აწ თქვენგან ველი, და გილო-
ცავთ იმ დროს, როს ბრძო-
ლის ველიდან დააბრუნებთ თა-
ვისუფლების მაგ წმიდა დროშას.
გიყვარდეთ... ოო... (კვდება).

როზა: (დაეცემა ზედ, ტირილით) ვფიცავ, ძმავ, ალ-
თქმა რომ შეგისრულო!.. (პა-
უზა).

სპარტაკ: (დაღონდება) ნუ სტირი, სულიკო, გულ-
დაისრული...

როზა: ზურიკო!.. ზურიკო!..

სპარტაკ: (აყენებს) ადექი, როზა.

როზა: (ეხვევა დაღონებულ სპარტაკს) ზურიკო მო-
კვდა! (პაუზა)

სპარტაკ: რაც მოხდა, მოხდა! (დროშას გადააფენს).
ო, განისვენე, ძვირფასო გმირო დიად იდე-
ის,—

და, ლენინიზმით ჰნათობს ვიდრე ის,
ძირს არ დაფუშვებთ შენის სისხლით შედე-
ბილ მახვილს;

შთამომავლობას გადავცემთ ჩვენ მდღვარ
ძახილს,

ავაგუგუნებთ ჰეროდთა უსვენებ საყვირს,
თავისუფლებით ავიწყვეტთ მონობის აღვირს.
და... (ისმის ბუკი, სროლა, მუსიკა, ხმები:
„რა ძველს ქვეყანას ავაფეთქებთ დინამი-
ტებით—

და ნანგრევებზე ავწევთ ანძებს, გულს გავ-
შლით აფრად,

ვინღა გაგვიძლოს, თავგამოდებულ ატეხილ
ანცებს?—

ვიცხოვრებთ სხვაფრად!“

(სიხარულით უგდებენ ყურს, ხელგადახვეულნი).
ო, საყვარლო! გავსწიოთ იქ, საგვირგვინოდ,
და ჩვენი ბრძოლით მტერთა ურდო
ავაქვითინოთ.


შეხედე!— მიდის შეტევით ჯარი,—
უერთე ჩემს ხმაღს წითელი ჯვარი!
და... (ხელს სტაცებს ხმაღს და აიწვდის
მალღა, დროშას ააფრიალებს და გადასძახებს
შორს):

ამხანაგებო!
მეც თქვენთანა ვარ
ამ აღმოდებულ დროშის ფრიალით!
ვაშა ახალ მხეს და წითელ გმირებს
ცეცხლის გრიალით!!!
(მობრუნდება. შორს ისმის: „ვაშა!“)
აბა, როზა! გელი!

(იმედიანად ხელს გაუწვდის).

როზა: (იმედიანადვე) ჰა, ჩემი ხელი!
(შორს ისმის ინტერნაციონალი.
შეიძლება პარტერიც აჰყვეს.
ფარდა სწრაფად ეშვება).

ს. ერ- ლი.



მოდის ზამთარი

მოდის ზამთარი, მოჰყავს ამქარი,
ქარი ზუზუნებს, ყინავს და ცივა.
ხეზე ფოთოლი შეშინებული
ყვითლდება, კრთება, მიწაზე ცვივა.
მოდის ზამთარი... და ცივი ქარი
აფერადებულს ტყეს ეძგერება,
მწვანე სამოსელს დააყრვეინებს,
მდინარე უჩინო გადაეკვრება!
მოდის ზამთარი, წინ ჰყავს საფარი—
ქარბუქი, ყინვა, სიცივე მკაცრი,
გადმოველება კავკასიის ქედს,
ტყვიისფერ ციდან თოვლს ფიფქად დასცრის.
მოდის ზამთარი... მორთულს მინდორსა
თეთრსა საგანეს გადააფარებს,

ხიდან მონაგლეჯ ყვითელ ფოთოლსა
სათამაშებლად მისცემს ცივ ქარებს...
არა სჯობია, რომ გაზაფხული
დროთა ტრიალში არ იცვლებოდეს?
არა სჯობია, რომ სხივთა სპექტრი
ყველა ფერებით უხვ-სხივოსნობდეს?
არა სჯობია, რომ ყვავის ნაცვლად
ტურფა ბულბული ნაზად გალობდეს?
მზისა სხივებით გამთბარი ია
სხვა ყვავილებთან ერთად ხარობდეს?
მაგრამ ზამთარი მოდის სასტიკი,
ზუზუნებს ქარი, ყინავს და ცივა,
ხეზე ფოთოლი შეშინებული
ყვითლდება, კრთება, მიწაზე ცვივა.

ალ. რობაქიძე.



„ერთადერთი“

(მოთხრობა რობერტისა)

თ ა ვ ი I.

ის არ დაბადებულა, თავის მრისხანე წინაპრებივით, მთის გამოქვაბულში. ის დაიბადა ჩალადაგებულ რკინის ვიწრო ვალიაში.

ორი ძმა და ერთი და მასთან ერთად გაჩნდნენ ქვეყანაზე მონური არსებობისათვის.

დამუნჯებულ და შეუბოვარ დედას, რომელსაც გაგიჟებით უყვარდა თავისი ტომის ველური თავისუფლება, არ შეეძლო აეტანა აზრი, რომ მისი შვილები მონობაში უნდა აღზრდილიყვნენ და სურდა შეუბრალებლად მოესპო მათი სიცოცხლე, მოეკლა ისინი, როცა ჯერ კიდევ ბრძემები მის მკერდსა სწოვდნენ.

მაგრამ დარაჯმა დაასწრო სურვილის სისრულეში მოყვანა. ოთხი პატარა, უმწეო და უიმპილისაგან მოფრუსუნე ცხოველი გადასცეს დედობილს— ძალს, რომელიც დამწუხრებული იყო საკუთარი შთამომავლობის დაკარგვით.

როდესაც ლეკვები წამოიზარდნენ,— ორი დამა— ლონიერები და ჯანმრთელები, როგორებიც ჩვეულებრივად არიან ხოლმე ტყის მგლების შვილები, ისინი ვაჭარს მიჰყიდეს.

მან ისინი ჰამბურგში წაიყვანა. „ერთადერთი“— კი, როგორც უწოდა მას დამგეშმა ტომიმ, დარჩა იმავე ცირკში. ის ყველაზე დიდი, საზრიანი და ნიჭიერი ლეკვი იყო.

ტომმის, რომლის გამჭრიახობა ერთი შეხედვით აფასებდა ცხოველის ღირსებას, იმედი ჰქონდა, რომ

ლეკვი ოდესმე ცირკის პირველხარისხოვან ვარსკვლავად იქცეოდა.

ჯუ ტომი წინად ტრაპერი იყო და ახალი ბრაუნშვეიგის შორეულ ტყეებში ნადირობდა, საცა შეისწავლა ცხოველების ხასიათი და ამიტომაც შეეზიზღა თავისი ხელობა.

მისი სული ლელავდა და ვერ ეთვისებოდა, დაეხოცა ცხოველები, რომლებიც ისე საინტერესო იყვნენ.

ერთხელ მან ინახულა მოხეტიალე პაწია ცირკი, რომელშიაც უჩვენებდნენ გაწვრთნილ მხეცებს, და უცებ მიხვდა თავის მოწოდებას, მიხვდა, რომ ცხოველების მწვრთნელად იყო დაბადებული.

ის შევიდა ცირკში და ექვსი თვის შემდეგ შეუდარებელ მწვრთნელად იქნა ცნობილი. ერთი წლის შემდეგ კი, როგორც ცნობილი დამგეში, მიწვეულ იქმნა ამერიკის უდიდეს ცირკში.

„ერთადერთი“... ეს სახელი თითქოს უცნაური იყო ტყვეობაში დაბადებულ მგლის ლეკვისათვის, მაგრამ როცა წამოიზარდა, ეს სახელწოდებაც გამართლდა.

თავისი მორჩილი და თვინიერი დედობილის— ძალის ზეგავლენის წყალობით, ის სავესებით ემორჩილებოდა თავის მწვრთნელს, რომელიც მეტისმეტად უყვარდა.

სხვა ადამიანებთან და ცხოველებთან ის თავდაქერილი იყო და მთელი მისი არსება ცივ მუქარას გამოხატავდა.



მთელი სიყვარული, რომელიც მის განსაკუთრებულ ბუნებაში ბუდობდა, თითქოს ტომის მიუძღვნა.

თავის მხრით მწვრთნელსაც მეტად შეუყვარდა მგელი და დაუღალავის მოთმინებითა და დაყვავებით სწვრთნიდა მას.

რამდენიმე წლის შემდეგ ტომიმ ის ისეთ დახელოვნებულ და სამაგალითო მგლად გამოხარდა, რომ არასოდეს მისი მაგვარი არცერთ ცირკს არ ამშვენებდა.

სიდიდით „ერთადერთი“ დანიის დიდ ლომს უდრიდა, მაგრამ ვერცერთი ძალი ვერ დაიკვებინდა მისებრ დიდ მკერდს, ფართე მხრებს და გძელ მძლავრ ყბებსა და კბილებს.

როცა მგელი უცქერდა ტომის, მისი თვალები ერთგულებასა და საზრიანობას გამოხატავდა, ხოლო როცა გალიიდან გაჰყურებდა ხალხს, მისი მომწვანო შეუპოვარი თვალები მძულვარებით აღიგზნებოდა ხოლმე.

ყველაფერში, გარდა მწვრთნელისადმი ერთგულებისა, ის თავისი უხარისხარი და შეუპოვარი მტაცებელი წინაპრების ნამდვილი შთამომავალი იყო.

მაყურებლებს ვერ გაეგოთ, რატომ არ უღლატებდა ეს მრისხანე მხეცი თავისი საშინელი კბილებით მწვრთნელის ერთგულებას, თუმცა ზოგი უიმედო პესიმისტი მაინც ირწმუნებოდა, მგელი როდისმე უსათუოდ გამოსჭრის ყელს თავის პატრონსო.

გარდა „ერთადერთისა“, ყოფილი ტრაპერი ხალხის გასართობად კიდევ სხვა მხეცებსაც სწვრთნიდა და ამზადებდა.

აქ იყვნენ ლომები, ვეფხვები, ვიგრები, სპილო, ორი ზებრი და რუხი დათვი.

ყველა ისინი ემორჩილებოდნენ მწვრთნელის ჰიპნოტიურ ძალას.

მხოლოდ მგელს თითქოს არ სჭირდებოდა შთაგონება და ის მოქმედებდა არა მონურად, არამედ როგორც თავისუფალი თანამშრომელი.

მიუხედავად ველური ცეცხლისა, რომელიც ბობოქრობდა მის სისხლში, „ერთადერთი“ თითქოს კმაყოფილი იყო თავისი ცხოვრებით.

ცირკი დიდი იყო და ისე ჰქონდა განთქმული სახელი, რომ მხოლოდ დიდ ქალაქებში ჩერდებოდა და რამდენიმე კვირობით რჩებოდა.

მაშინ მგელიც რამოდენიმედ თავისუფლებით სარგებლობდა. მას ხშირად უშვებდნენ სასერიოდ მაღალი გალავნით შემოვლებულ ადგილზე, სადაც შეეძლო სირბილი, ხტუნვა, მძლავრი ძარღვების ამუშავება და მთელი მკერდით სუნთქვა.

ხშირად ბინდისას პატრონი გამოაბაძლიერებდა მგელს მძიმე ჯაჭვს და ძალღივით ასეირნებდა პარკში ან სოფლის გზაზე.

უფრო არასასიამოვნო იყო, როცა ცირკი თავის ტურნეს აკეთებდა.

„ერთადერთს“ სძულდა ვიწრო გალია, რომლითაც უხდებოდა მგზავრობა, სძულდა ბორბლების რელსებზე დაუსრულებელი ჭრილი.

ის ვერ ითმენდა ვაგონის რხევას და თავბრუდამხვევ პროცესიას ლანდშაფტისა, რომელიც გალიის ფანჯრებში მიჰქროდა.

ხანდახან მატარებელი ჩერდებოდა ერთი-ორი საათით სადმე ტყეში, სათადარიგო გზაზე, რომ უფრო ჩქარი მატარებელი დაწინაურებულიყო და გაკვირვებული „ერთადერთი“ ხედავდა ბნელ ბილიკებს, ხეების საიდუმლო კოლონადებს ან შორეულ ბორცვებს და ჰორიზონტს, ქარს კი მისი მახვილი ყნოსისთვის მოჰქონდა ფიჭვის და კედრის საამური სუნით.

მაშინ ძარღვებში სისხლი აულეღდებოდა ხოლმე შეუფრებელი, მაგრამ სანეტარო სიამოვნების წყურვილით, რომელიც არასოდეს არ გამოუცდია, და თავისუფლების ნატვრით, თუმცა ამაზე არაფერიც არ გაუგონია.

ამ წუთებში ძარღვები საშინლად დაეჭიმებოდა და ის გრძობდა გალიის ხლართების დაღეწვის გამოურკვეველ სურვილს.

შეჩერება ხდებოდა ხოლმე ღამით და მთვარე მომადლო ბორცვიდან ვერცხლოვანის სხივებით ანათებდა მას.

მგელი მიუშვერდა ცას გრძელ პირს და მას აღმოსკდებოდა ხოლმე ის საშინელი დაუსრულებელი და უხეში ღმუილი, რომლის მნიშვნელობა მან არც კი იცოდა.


ეს უჩვეულო ხმა იწვევდა აღელვებას სხვა ცხოველებში, რომლებიც თვითონაც იწყებდნენ ღმუილს, ბუტბუტს და ღრიალს.

მაშინ გამოჩნდებოდა ტომი და მგლის გალიაზე ბრეზენტის გადახურვით სწყვეტდა ამ ღმუილს.

გაიგონებდა თუ არა მწვრთნელის მშვიდ, მაგრამ ნებისყოფით სავსე ხმას, მგელი დაჩუმდებოდა, იატაკზე დაწვებოდა და საშინელი გამოძახილი შორეულ წინაპრებისა აღარ აშფოთებდა მის სულს.

ერთხელ ცირკი რამდენიმე კვირით გაჩერდა ერთ ქალაქში და გარეთუბანში მოეწყო. მან რამდენიმე ხის შენობა დაიკავა და გარს შემოავლო ბამბის თეთრი კარვები, ისე რომ განცალკევებულ სოფელს წარმოადგენდა.

ხის ერთ შენობაში მოთავსებული იყვნენ „ერთადერთი“, ზუმა ლეოპარდი და ჰიმალაის პატარა



დათვი. აქვე მახლობლად იყო ფართე ფარდული სპილოებისათვის.

პირველ ღამეს, როცა ცირკის მოსამსახურებმა დაიძინეს, მგლის მახვილმა წესტოებმა რალაცა უცნაური სუნი იგრძნო. ის წამოხტა ფეხზე და ღრმად შეისუნთქა ჰაერი.

ღამის წყვედიანი უცებ უცნაურმა მოწითანო სინათლემ მოიცვა.

სხვა გალიებიდან მოისმა შეშინებული ბუტბუტი, არეული მოძრაობა და შესაბრალოსი წკმუტუნის ჰიმალაის დათვისა.

მოწითანო შუქი მალე რიჟრაჟად იქცა.

სპილოებმა ყვირილი დაიწყეს.

სამარისებური სიჩუმე უცებ დაირღვა ყვირილით, ღმუილითა და ხალხის ჟრიაშილით.

მხრჩობელა კვამლი ნისლივით შემოაწვა „ერთადერთის“ გალიას. მას ხველა აუტყდა და გაკვირვებული იყო, რატომ აქამდის ტომი არ მოდისო.

მაგრამ აი, სპილოების ერთ დარაჯითურთ მოვიდა ტომი.

გაშმაგებით შეუდგენ შენობიდან გალიების გამოთრევას.

ცეცხლი უკვე ჰერს წაეკიდა. დარაჯმა დაიყვირა:—ჩვენ აქედან ვერავის გადავარჩენთ, ლომები მაინც გავათრიოთო!

ამ სიტყვებით ერთი ხელი თვალეზე მიიფარა და მეორეთი გაათრია კარებისაკენ პუმას გალია; რაც შეეხება ტომის, ის კინალამ დაიღუპა: მას ვერ აეტანა აზრი, —გადარჩენილიყო თვითონ და ცხოველების გადარჩენას არ შეცდილიყო.

საჩქაროდ მივარდა გალიებს, გაალო კარები, ანიშნა მგელს, მას გაჰყოლოდა, თვალეზე ხელები აიფარა და კარებთან ამოვარდნილ ცეცხლში შევარდა. მხეცები გამოცვივდნენ გალიებიდან, მაგრამ მათი მდგომარეობა უიმედო იყო.

ლეოპარდი დაფრთხა, შეხტა ისევ გალიაში, კატასავით დაგორგლდა იატაკზე და თან სისინით იფურთხებოდა.

„ერთადერთმა“ სცადა ტომის გაჰყოლოდა, მაგრამ ცეცხლი ეცა სახეში და გამობრუნდა. უცებ ფანჯრიდან შემოვარდა მძლავრი ნაკადი წყლისა, რომელსაც ცეცხლის მქრობელი რაზმი უშვებდა, დაასველა მგელი და წააქცია დათვი.

წყლის ნაკადი მალე შესწყდა, რადგანაც ეს შენობა უკვე დაღუპულად იქმნა ცნობილი და რაზმი სხვების გადარჩენას შეუდგა.

მაგრამ ამ ნაკადმა უჩვენა გადასარჩენი გზა პატარა დათვის. ის სწრაფად გადახტა ფანჯრიდან. მას მიჰყვა „ერთადერთიც“ უზარმაზარი ნახტომით, სწორედ იმ დროს, როცა ცეცხლი მოედო იატაკს და ლეოპარდის გალიას.

ფანჯრიდან გადმოხტარი მგელი ჯერადიდანა. ჰაერი აბობოქრებული ცეცხლისაგან გახურებულიყო, მიწას მხრჩოლავი კვამლი ედებოდა.

ისმოდა ადამიანების ყვირილი, ცეცხლის მქრობელი მანქანების ხრიალი, გუგუნებდა ცეცხლი, შიშინებდა წყალი, ყვიროდნენ ცხოველები.

დათვი მირბოდა ქარის პირდაპირ და მგელიც მას მიჰყვა.

ამ დროს მხრჩოლავმა კვამლმა ის თითქმის დაფარა, მაგრამ ის განაგრძობდა სირბილს და ისე გაქიმულიყო, რომ მუცლით თითქმის მიწას ეხებოდა; რამოდენიმე წუთში ის უკვე წმინდა ჰაერზე იყო.

თვალეები სტკიოდა კვამლისაგან, ცხვირი და ბაგეები ცეცხლისაგან დასთუთქოდა, სველი ბეწვი-საგან ორთქლი ასდიოდა.

პირველ ხანებში ვერც კი ჰგრძნობდა, რომ ტყვეობას თავი დააღწია. მიაღწია ბოლოს ტყეს, გაჩერდა და უკან მოიხედა. პატარა დათვი აღარსად ჩანდა.

ღამის სიომ სასიამოვნოდ გაუგრიალა სახე, მაგრამ იქ, შორს, მან დაინახა წითელი საშინელება, რომელიც ისე ბობოქრობდა, თითქოს მთელი ქვეყნის შესანსვლას ლამობდა. შიშის ჟრუანტელმა დაუარა მგელს ძვალსა და რბილში.

მან მიაშურა მფარველ ტყეს და გაქანდა წინ, ერთადერთი სურვილით, რომ რაც შეიძლება დაშორებოდა საშინელებას.

არ გაურბენია ორი მილიც, რომ უტყეო მდამოებში შევიდა, სადაც სახნავს სცვლიდა სათიბი, ფერმები და პაწია რაყა.

საძოვრებზე მყოფი სხვილფეხა საქონელი, ცეცხლის რიჟრაჟით დაშინებული, ფეხებით მიწას სთხრიდა და ფრუტუნებდა.

ზოგან ესმოდა გაბრაზებული ყვირილი ადამიანებისა, როცა მირბოდა ყვავილების კვლებზე ან ვენახებით.

მგელს ვერ წარმოედგინა, რომ თავი უნდა მოერიდებია ფერმერებისთვის. მან არ იცოდა ადამიანის შიში, სანამ ვილაც ფერმერი არ გაუმასპინძლდა თოფიდან ნასროლი საფანტით.

ორი-სამი საფანტი მოხვდა მას ბარკალში და, რადგან ქრილობა ზერელე იყო, ტკივილი თითქმის არ უგრძენია, მაგრამ სამაგიეროდ მიხვდა, რომ ადამიანები საშიში ქმნილებანი იყვნენ. ამიერიდან მან გადაუხვია პირდაპირ გზას და უფრო ყრუ ადგილები არჩია.

გათენებისას მგელმა მიაღწია უდაბურ უსწორ-მასწორო ადგილს, რომელიც დაბალი ჩირგვებით, მალალი ტყეებით და უზარმაზარი კლდეებით იყო დაფარული. მზე უკვე მალლა იდგა, როცა „ერთადერთი“ შეჩერდა.

ხანძრით გამოწვეული თავზარდამცემი შიში ამფროთოვანებელი თავისუფლების შეგნებით შეიცვალა. მან შიშილი იგრძნო. პირველი იმპულსით მოტრიალდა პატრონის მოსაძებნად, მაგრამ არა.

იქ, იმ მხარეში ცეცხლი იყო! — და მგელი უფრო გაშმაგებით გაიქცა წინ.

უცებ, თითქმის ცხვირის წინ, საიღლანაც გამოხატა კურდღელი.

„ერთადერთს“ არასოდეს არ ექამა ცოცხალი არსება, მაგრამ ინსტინქტიურად გამოუდგა კურდღელს.

მისდა სამწუხაროდ, ლამაზი პაწია ცხოველი იმდენად უყურადღებოდ მოექცა მას, რომ მიიმალა ეკლიან ხშირ ბუჩქებში, რომელშიაც მგელი ვერ შეძვრებოდა.

ცეცხლისაგან დათუთქული პირი ველარ უძლებდა ბუჩქების ეკლებს... მან თავი დაანება და წავიდა. მან არ იცოდა საით წასულიყო, მაგრამ ამასთანავე გრძობდა, რომ სადღაც ახლოს უნდა ყოფილიყო ეკლებისაგან თავისუფალი ისეთი ადგილი, სადაც კურდღლები ბლომად იქნებოდნენ.

ღამე, გვიან, „ერთადერთმა“ მიაღწია სოფელს და ფრთხილად გარს შემოუარა. დაშორებულ საძოვარზე ბუჩქებს, ბორცვებს და ჯირკვებს შუა მოულოდნელად წააწყდა ცხვრების ფარას.

ერთს წუთს, სანახაობით განცვიფრებული, უძრავად იდგა, მაგრამ როცა შეშინებული ცხოველები გაიქცენ, მოულოდნელად მოუნდა მათი დადევნება.

არ გასულა ერთი წუთიც, ეცა უკანასკნელ ბატკანს და ინსტინქტიურად სწვდა ყელში.

მასში გაიღვიძა თბილი ხორცის სიყვარულმა და ქეიფს შეუდგა. მერმე ჯერ კიდევ ანგარიშმიუცემლად წაიღო უმთავრესი ნაწილები კლდებზე, ქვების ქვეშ დასამალავად, შემდეგ, თავისი მოქმედებით კმაყოფილი, მიიმალა ტყეში და რამდენიმე საათი იძინა.

მთვარე კაშკაშებდა, როცა მგელს გაეღვიძა.

უცნაურმა სინათლემ გაუგებარი სურვილები გაუღვიძა.

ავიდა გატიტვლებული ბორცვის თავზე და თვალი მოავლო გადაშლილ ლანდშაფტს, სოფლის ცეცხლებს და მთის ქვეშ მდებარე მინდვრებს.

მაგრამ მისი გრძობები სადღაც სხვაგან მიისწრაფოდა. უკანა ფეხებზე მჯდომმა ასწია პირი მთვარისკენ და დაიწყო თავისი ტომის საზარელი სიმღერა.

მგლის ღმუილი უცნობი და უკვე დიდი ხნის დავიწყებული იყო ამ არემარეში, მაგრამ მცხოვრებლები, რომლებსაც ერთხელ მაინც გაეგონათ ის, ხსოვნას არ საჭიროებდნენ.

სოკლის ძაღლებმა სიბრაზისაგან ცოფიანივით ღმუილი, ყეფა და წუწუნნი დაიწყეს, მაგრამ „ერ-

თადერთზე“ ამ ხმაურობას არავითარი შთაბეჭდილება არ მოუხდენია, მან მას იმდენივე ყურადღება მიაქცია, რამდენიც ზელურების ქიკქის.

გაისმა კარების რახუნი და სახლებიდან სასწრაფოდ გამოვიდნენ ადამიანები ამბის გასაგებად.

შორს, მთვარის შუქზე მკაფიოდ მოჩანდა მგლის აჩრდილი, რომელიც თავის სიმღერას უძღვნიდა ვილაცას.

უცებ „ერთადერთმა“ მოჰკრა ცალი თვალი ადამიანთა ბრბოს, რომლებიც ადღეღვებით საძოვრისაკენ მიეშურებოდნენ.

ადამიანები! ნუთუ ისინი მას ხელს ახლებენ? მაგრამ აქ მას თითქოს სინიღისის ქენჯნა დაეწყო, როცა დაკლული ბატკანი გაახსენდა.

ადგილი შესაძლებელია, გაუეღვა მას თავში, რომ ის ამ ადამიანებს ეკუთვნოდა და მას ამიტომ რაიმე უსიამოვნება მოელოდა.

მისკვე შესწყვიტა თავისი სერენადა და გაქანდა ისეთი სისწრაფით, თითქო საშინელ ცეცხლს გაურბოდა.

ამიერიდან ის უკვე აღარ უახლოვდებოდა მოსახლეობას.

პირველი ნადირობის სიადვილემ ის მალე დახელოვებულ მონადირედ გახადა.

მასში გაიღვიძა მივიწყებულმა ინსტინქტმა, რომელიც შთამომავლობით ერგო.

უცებ შეისწავლა მშინარა, სწრაფი კურდღლების დადარაჯება, წითური ირმების დევნა და დაჭერა.

ადგილი, საცა ის იმყოფებოდა, სავსე იყო ნადირით, სანადიროდ გასვლას კი წვალემა არ სჭირდებოდა, რადგანაც თავისუფლად ნაწარდობას აღარავინ უშლიდა.

ასე ჩატარა რამდენიმე დღე, თანაც ნელ-ნელა ჩრდილოეთის უდაბურ ტყეებისაკენ მიიწევდა.

ასე მიაღწია მალალი ხეებით მოსიღლ მთას, რომელიც მალლიდან დაჰყურებდა უზარმაზარ უდაბურ ტყეს. წინგამოზიდულ მთის წარბიდან „ერთადერთმა“ გააჩნია მთის ძირთან გაფანტული ფერმერების მოსახლეობა.

მაგრამ ადამიანების ბინები ძალიან შორს იყო.

მგელმა მოძებნა ღრმა გამოქვაბული, მოეწონა ბინად, გადასწყვიტა, შორს აღარ წასულიყო და შიგ დასახლდა.

მან იგრძნო, რომ თავის საბოლოო სამფლობელოს მიაღწია.

თ ა მ ი ი I I .

განმარტოებული მთის მახლობელი სოფლები აღშფოთებული იყვნენ.

ექვსი კვირის განმავლობაში ვილაც აღრჩობდა ცხვრებს ერთი-მეორეზე და მიზეზი კი ვერ გამოარკვიეს.

ეჭვი მიიტანეს რამოდენიმე პატიოსან ძალზე. არავის არ შეეძლო რაიმე ბრალი დაედო მათთვის და ერთადერთი დანაშაულობა ამ ძალებისა მხოლოდ მათი სიდიდე და ღონე იყო.

დაზარალებულებში ყველაზე უფრო აღშფოთებული იყო ბრესი ტიმენსი.

მან დაჰკარგა, გარდა ეჭვისი ცხვისა, საუცხოვო ძალლი, რომელიც ეჭვით მოჰკლა მეზობელმა, რადგანაც მას გძელი ფეხები და ღონიერი ყბები ჰქონდა.

ცხვრები კი მაინც იკარგებოდა.

ამიტომ ბრეს ტიმენსმა საჯაროდ სცემა მეზობელს და ამგვარად თავისი ძაღლის შური იძია.

სოფლის ყოველი ძაღლის სიცოცხლე ბევრზე ეკიდა.

ბრეს ტიმენსმა გადასწყვიტა ნამდვილი მიზეზის გამოკვლევა.

მაგრამ სანამ ის რაიმეს მოიმოქმედებდა, მინდორში ნახეს ყელგამოკრილი ძაღლი ჯო ანდერსენისა, ღონიერი და მთელი სოფლის ჩემპიონად ცნობილი.

ის მოკვდა მოვალეობის შესრულების დროს, და რადგანაც ვერცერთი ძაღლი მას ვერ მოერგოდა, ყოველგვარი ეჭვი სოფლის ძაღლებზე გაქარწყლდა.

— ეს, ალბად, დათვია, ამბობდნენ სოფლის დუქანთან თავმოყრილი სოფლელები. ხომ ხედავთ, მან ძაღლი მხოლოდ მოჰკლა, რომ მას ხელი არ შეეშალა ცხვრების მოტაცების დროს.

— არა, თქვენ სცდებით, დათვი მას დაამტვრევდა და მოახრჩობდა, რადგანაც უფრო თათებით იბრძვის და ყელს კი არ გამოსჭრიდა. — სთქვა ტიმენსმა. — ჩვენი უცნობი მტერი მგელია!

ჯო ანდერსენმა გადაიხარხარა:

— მგელი! აბა სცადე, ბრეს ტიმენსო, მასზე ნადირობა. მგელი მოერგოდა ჩემს ღენის?!

— როგორც გინდათ ისე იფიქრეთ, სთქვა ტიმენსმა, გაძლევთ სიტყვას, რომ ერთი-ორი ღლის მერმე გიჩვენებთ ვინც არის.

— როგორც ვიცი, სთქვა დუქნის ჰატრონმა, აქ ოდესღაც არსებობდნენ მინდვრის მომცრო მგლები, მაგრამ უკვე 50 წელია ისინი მოიხსენ და თუ, როგორც შენ ჰფიქრობ, ბრეს ტიმენსო, ახლაც მგელია, ის ტყის დიდი მგელი იქნება. ამიტომ ფრთხილად იყავი, თორემ, შენ თუ ვერ დაასწარი, უსათუოდ მოგვრევა.

— ვეცდები, არ დავმარცხდე, — სთქვა ტიმენსმა, ამოიღო ყუთიდან დიდი ჯაჭვი ხაფანგისათვის და შინ წავიდა მოსამზადებლად.

ტიმენსმა იცოდა, რომ საქმე საშიშ მხეცთან ჰქონდა, ამიტომ გადასწყვიტა ებოვნა მისი ბუნაგი. ერთი ხაფანგი უნდა დაედგა ბილიკზე, ორი კი ბი-

ლიკის გვერდებზე, ისე, რომ თუ ჰქონდა ცხოველი ბილიკზე ხაფანგს შეამჩნევდა და მოვლას მოისურვებდა, მეორეში უსათუოდ მოჰყვებოდა.

ყოველი შემთხვევისათვის გადაიკიდა თოფიც, თუმცა მგლის ცოცხლად დაჭერა ჰქონდა გადაწყვეტილი. დიდი ხნის ძებნის შემდეგ ტიმენსმა მთაზე მიმავალი ბილიკი შეამჩნია. ის წყნარად, ფოცხვერვით მიიპარებოდა ბილიკით, დარწმუნებული, რომ მოსახვევს იქეთ ბუნაგს იპოვიდა. გზა მიდიოდა კლდის წარბით და როდესაც ტიმენსმა ბუნაგს მიაღწია, ბილიკი უცებ ჩამოინგრა.

ტიმენსი ინსტინქტიურად შეხტა, რომ ქვების ზვავს არ მოჰყოლოდა. ის დაეცა ქვებზე და ოციოდე წუთი უძრავად ეგდო. როცა გამოერკვა, დაინახა, რომ ფეხები ჩამოწოლილ მიწაში მოჰყოლოდა. თავი სტკიოდა და თითიც ხაფანგს გაეჭრა.

დაუწყო თოფს ძებნა, მაგრამ ვერ დაინახა.

როცა ჯერ კიდევ წამოწოლილმა დაიწყო ახლო ბუჩქების თვალიერება, უცებ დაინახა ათ ნახევრზე უკანა ფეხებზე მჯდომარე უზარზუარი მგელი და შიშის ჟრუანტელმა დაუარა.

ტიმენსს არასოდეს არ ენახა ამოდენა მგელი და დანახვისთანავე მოინდომა ადგომა და დაყვირება.

მაგრამ გამოცდილებამ უკარნახა არ განძრეულიყო, რადგანაც არ იყო დარწმუნებული, რომ შესძლებდა ადგომას.

ამასთანავე მგელი თითქოს ცუდს არაფერს ფიქრობდა.

ასეთი მდგომარეობა გრძელდებოდა რამდენიმე წუთი.

მერმე მგელმა ასწია უკანა თათი და ყური დაიფხანა.

ტიმენსი ამის დანახვაზე უცებ დამშვიდდა.

— მგელი, ალბად, კარგ გუნებაზეა, გაიფიქრა მონადირემ, თორემ რაში მოისახრებდა ყურების ფხანას, ან იქნება იმდენად ჩაფლული ვგონივარ, რომ ჩემი არ ეშინია, როგორც გადაგდებული ძვლის.

„ერთადერთი“ ამ დროს წამოდგა, გაიხმორა, იმპაღლა დაამთქნარა, მოუხლოვდა ორი ნაბიჯით, თავი გადახარა და თითქოს ამბობდა, „ნება მომეცით გაგეცნოთო“.


— „არა, ასეთი უცნაური მგელი ჩემს სიცოცხლეში არ მინახავს, გაიფიქრა ტიმენსმა, მოდი ესცადო დალაპარაკება.

— „აქედან დაიკარგე. — ხმამაღლა დაიყვირა მან. მგელმა თავი მეორე მხარეზე გადახარა.

სიტყვები ახალი იყო, მაგრამ სწორედ ასეთი ბრძანების კილოთი ელაპარაკებოდა ტომიც.

ვერ მიმხვდარიყო მხოლოდ, რას სთხოვდნენ.

ხმა კი მოეწონა: ტომის ხმას წააგავდა.



მოსწონდა ტიმენსის შინ მოქსოვილი სამოსელიც.

სუნიც ტომის აგონებდა და „ერთადერთს“ მოუნდა მოსწონებოდა უცნობს.

მაგრამ რას მოითხოვდნენ მისგან?

მგელი წამოდგა და მოიხედა, რომ გაეგო, რა უნდოდა მონადირეს.

როცა მგელმა თავი მოატრიალა, ტიმენსმა დაინახა ბეწვებით სანახევროდ დაფარული, მაგარი საყელური.

— აი, აქვე მოკვდევ, თუ ეს სამხეცედან გაქცეული მგელი არ იყოს, წაიბუტბუტა ტიმენსმა და ნელ-ნელა წამოდგა ფეხზე.

მან მხოლოდ ახლა იგრძნო, რამდენად დაქუჩილი ჰქონდა სხეული.

“ მგელი შეჰყურებდა მას უნდობლად, მაგრამ ამისთანავე ძალივით მეგობრულად.

ტიმენსს გაახსენდა დიდი ხანძარი ცირკისა და გადასწყვიტა, მგელი იქიდან გამოქცეულიაო.

— აქ მოდი, ბატონო! აქ მოდი, მგელო! — აღერსინად გაუწოდა ცხოველს ხელი.

„მგელი“. ეს ნაცნობი სიტყვა იყო, თუმცა სახელის ნაწილს შეადგენდა.

ნელა, კუდის ქნევით მიუახლოვდა მგელი ტიმენსს და, აღერსის მოლოდინში, თავი ხელ ქვეშ ამოუდო.

მართალია, თავისუფლება მოსწონდა, მაგრამ ამავე დროს საშინელ მარტოობას გრძნობდა.

ტიმენსი კარგად იცნობდა ცხოველებს. მისი ხმა, როცა მგელს მიმართავდა, აღერსით იყო სავსე, მაგრამ ამავე დროს მტკიცე ნებისყოფაც გამოიხატებოდა მასში.

ხელის შეხება ნაზი, მაგრამ ამავე დროს გადაწყვეტი და მტკიცე იყო.

მგელმა იგრძნო, რომ ამ ადამიანს უნდა დემორჩილოს ისევე, როგორც ტომის, რომ მისი უფლება უეჭველი და აუცილებელია.

როცა ახალმა ბატონმა უბრძანა დაწეკო, მგელი დაწვა და იწვა, სანამ ტიმენსი გაიწმენდა ტანისამოსს და გასისხლიანებულ ხელებით მონახავდა და აიღებდა თოფს და ხაფანგებს.

მერმე მონადირემ ჯობიდან ქალაქში გახვეული ბუტერბროტები ამოიღო და ერთი თავის უცნაურ ამხანაგს მიაწოდა.

„ერთადერთი“ არ იყო მშვიერი. კუჭი ცხვრის მშვენიერი ხორციით ჰქონდა სავსე, მაგრამ უარის თქმა, ალბად, უზრდევლობად მიიჩნია და უცებ გადასანსლა მიწოდებული.

ტიმენსმა ამოიღო ჯაჭვი, მოაბა მგელს საყელურზე და უთხრა: წავიდეთ!

მგელი მორჩილად გაჰყვა. ტიმენსი კმაყოფილი იყო.

რას ნიშნავდა ერთი ძალი და ექვსი ცხვარი ამისთანა საუცხოვო ნადირთან შედარებით!

კოტათი აფიქრებდა სოფელი. მგელი თუმცა ახლა ცხვარვით მორჩილი იყო, მაგრამ ტიმენსს არ დავიწყებია ჯო ანდერსონის ძალის ბედი.

როდესაც ისინი ტყიდან საძოვარზე გამოვიდნენ, უცნაური თავგადასავალი შეემთხვათ.

ალვის ხეებიდან გამოვარდა წითელი ხარი და ადამიანისაკენ გაჰქანდა.

ტიმენსს მოაგონდა, რომ ეს ხარი ცნობილია თავის ბრაზიანობით და ჯოგის დასაცავად არის გაშვებული საძოვარზე. ახლომახლოს არ იყო ხე, რომ ტიმენსი ზედ ამძვრალიყო და გადარჩენილიყო, არ ეგდო ჯოხიც, რომ ხარი მოეგერებია, ასეთი ძვირფასი და ჯიშინი ცხოველის მოკვლა კი ვეღარ გაბედა.

— დალახვროს ეშმაკმა, წამოიძახა მან, მიატოვა „ერთადერთის“ ჯაჭვი და გაიქცა, თან ხელებს იქნევდა და ყვიროდა ხარის დასაშინებლად.

მაგრამ გაზვიადებული ხარი ყურადღებას არ აქცევდა არაფერს და თავდახრილი მისდევდა გასათელავად.

მარტო დარჩენილ მგელში მოვალეობის შეგნებამ გაიღვიძა, ყურები სცქვიტა, თვლები უცებ მოელღუმა და მომწვანო ცეცხლოვან ხაზებად ექცა.

დაღებულ ხახში გამოჩნდა თეთრი კბილები და ხმაამოუღებლივ ეძგერა წითელ ხარს.

ადამიანს ეგონებოდა, „ერთადერთი“ მუდამ ხარებზე ნადირობდაო, ისე საშინლად გაიწკაპუნა კბილებმა, როცა ის ხარს ყელში სწვდა.

ტიმენსი განცვიფრდა, როცა ხარი უცებ შეჩერდა და წაიჩოქა. მერმე თავისი სიმძიმით და მგლის იერიშით ძლიერი ცხოველი მიწაზე გაიშხლართა.

მგელი განზე გაუხტა და მზად იყო ხელახლა სცემოდა, თუ ეს საჭირო იქნებოდა.

ხარმა სცადა ფეხზე წამოდგომა, მაგრამ ყელიდან სისხლმა გადმოხეთქა და მკვდარი მიწაზე დაენარცხა.

„ერთადერთი“ კი ძალივით კუდის ქნევით, მადლობის მოლოდინში, ადამიანისაკენ გაემართა.

ტიმენსმა სინანულით შეხედა მოკლულ ხარს, მკველს თავზე ხელი გადაუსვა, ჯაჭვს აჩქარებით ხელი წაავლო და ნელა ჩაილაპარაკა: ჩემო მეგობარო! შენ შენი მოვალეობა ისე შეასრულე, როგორც გესმოდა, და შენ უნდა გიმადლოდე, რომ კოცხალი ვარ. ეს ცხოველი მართლაც რომ ბრაზიანი იყო და ყველას უმიზეზოდ ეცემოდა ხოლმე. მიუხედავად ამისა, შენ მაინც პასუხს მოგთხოვენ. ეს რომ არ იყოს, ვფიქრობ, რომ შენისთანა ბატკნის სახლში შენახვა არც ისე უშიშარია.


„ერთადერთი“ დარწმუნებული იყო, რომ მოქმედებას უქებდნენ და ალერსიანად აქნევდა კუდს. ტიმენსი ჩაფიქრებული მიდიოდა.

გზაზე წაქცეული ხე შეხვდათ და ზედ ჩამოჯდა. ჯიბიდან ამოიღო დარჩენილი ბუტერბროტი, გატეხა და ნაჭერ-ნაჭერ უდებდა გასისხლიანებულ ხახაში თავის მხსნელს. ცოტა ხნის დუმილის შემდეგ მან ნაღვლიანად შეხედა მგელს და უთხრა:

— მეგობარო! აქ სხვა საშველი არა არის რა... ბილლისმიტი პასუხს მომთხოვს ხარის მოკვლისათვის. ეს საქმე კი მრავალ პენს მოითხოვს. ცხოველი ხომ ჯიშინი და შორიდან გამოწერილი იყო. ის არაფერს არ დაიჯერებს და იტყვის, რომ მე განგებ მოგაკვლევინე ხარი საკუთარი ტყავის გადასარჩენად.

ნად. შენ არც ისე უყვარხარ ხალხს ამ მთაში, და თუ მე თვალი მოგაშორე, მაშინვე რამეს გესვრიან. ჩვენ უნდა ერთმანეთს მხარი მივცეთ, შენ და მე. ესეც მართალია, მე და შენ კარგად მოვეწყვეთ. მე ყოველთვის საკუთარი გზით დავდიოდი, მაგრამ რომ მაინც არა ეშველება რა... შენ მეტად სამძიმო შენაძენი ხარ ჩვენი სოფლისათვის და მეც გადავწყვიტე მივწერო ცირკში, რომ შენ ნაპოვნი ხარ, ამხანაგო. დარწმუნებული ვარ, რომ თანხა, რომელსაც მომცემენ, საკმარისი იქნება ბილლისმიტის ზარალის ასანაზღაურებლად.

ტიმენსი ასეც მოიქცა და ორი კვირის შემდეგ ტომი და „ერთადერთი“ ისევ ართობდნენ ხალხს ცირკში.



ზ ა მ თ ა რ ი მ ა ლ ა მ უ ი

თოვლია, თოვლი... ჰყინავს და ცივა...
თეთრი ფიფქები აწყდება მიწებს.
ქარი ცახცახებს... ქარს გააცივა...
მისი ღმუილი ფიქრებს აზინებს.

თოვლია, თოვლი... ჰყინავს და ცივა...
ცივი ოცნება ფიქრს არ იკარებს.
ქარი ცახცახებს... ქარს გააცივა...
სასოწარკვეთით აწვევა კარებს.

შორს აზიდულან სამშობლო მთები
და მიაგავან თეთრ პირამიდებს.
სარკოფაგებად იქცა სახლები.
ვერ შევეთვისე ამ ცივ ამინდებს.

და ამ სიცივემ სისხლი გაყინა.
ვნატრობ, ვოცნებობ ზაფხულის მზეზე.
უცხო ფრინველი ჩემს ფანჯრის წინა
ცუვად შემოჯდა დაღვრემილ ხეზე.

ჰაერში ფრინავს გუნდად ყვავები.
ცა აირია, როგორც ქაოსი.
მტკვარი აივსო ყინვის ნავებით.
დაჰქრის სიჩუმე სასაფლაოსი.

მოულოდნელად ვაღებ ფანჯარას...
(ოჰ, როგორ მიყვარს ლალი სტუმარი)
ჩიტი გაფრინდა და ოთახს ჰფარავს:
თოვლის ფიფქები და ცივი ქარი.

შ. ქინკლაძე.





მეგობრები

— რობერტ, გაიცანი.

— ჯო პორტერი.

— რობერტ ტრაუ. უმცროსი მუშა.

ასე გააცნო მემანქანემ ახალი მუშა ჯო რობერტს.

უნდა გითხრათ, რომ ხელის ჩამორთმევის დროს ჯომ ღონივრად მოუჭირა რობერტს, იმ იმედით, რომ ისიც შეეწინააღმდეგებოდა, მაგრამ იმედი გაუტრუვდა: რობერტმა ხელი ფომფოდ დასტოვა მის ხელში, მხოლოდ ღიმილიდან გადარბინა ტუჩებზე. ჯომ შეხედა და გაიცინა.

— ოჰო, რობერტ, მე მეგონა...

— თქვენ გეგონათ, რომ გაგიყინიანდებოდით?

— ხა, ხა, ხა. დიად. მე ბევრი გამოგონია თქვენზე.

— მეც, ჯო პორტერ.

მას შემდეგ ისინი დამეგობრდნენ. იქნებ ამის მიზეზი ის იყო, რომ ერთად იყვნენ და უფლიდენ მანქანას, იქნებ ისიც, რომ მუშაობაში ეჯიბრებოდნენ ერთმანეთს, ან ის, რომ ყველაფერში ეთანხმებოდნენ და არაფერში არ ჩამორჩებოდნენ ერთმანეთს. უნდა გითხრათ, რომ ღირეკციაც იმათი სრული კმაყოფილი იყო.

— ასეთი მუშები იშვიათია. ესენი რომ ახალგაზრდები არ ყოფილიყვნენ, თამამად ეკუთვნოდათ უფროსი მუშის ადგილი, — ბერჯელ უთქვამს მემანქანეს.

მე ვთქვი: თითქმის ყველაფერში ერთმანეთს ეთანხმებოდნენ მეთქი. თქვენ შეამჩნიეთ: თითქმის?! მკითხავთ: რატომ?! ახლავ აგიხსნით.

ჯო იყო სპორტსმენი: კუნთები მეტად გაწვრთნილი ჰქონდა. ყოველდღე ვარჯიშობდა ორ საათს და სიამოვნებით ამყოფდა თავის ოცდათვრამეტი სანტიმეტრიანი ბიცებსებით.

რობერტს კი ოცდახუთმეტრიანი ჰქონდა. მიუხედავად ამისა, მის ტანში გამჯდარიყო ძალა და პროპორციონულად განაწილებულიყო.

ასე რომ, ვიმეორებ, რობერტი არ ჩამოუვარდებოდა ჯოს, პირიქით.

მე მიკვირს, რობერტ, რატომ არ ვარჯიშობ? — არა ერთხელ გაუმეორებია ჯოს. — შენც ისეთივე ბიცებსები გექნებოდა, როგორც მე.

— მე კი მიკვირს, ჯო, რომ შენ ასე გადამეტებით ვარჯიშობ. არც ეგ ვარგა. არც ის არაფერს ნიშნავს, შენ თუ ჩემზე მეტ სიმძიმეს სწევ.

— ამას წინედ მე ექვსი ფუთი და ორი გირვანქა ავწიე. რამ გაგაკვირვა? იქნებ არა გჯერა?

— მჯერა, მაგრამ მაგ ორი გირვანქისთვის შენ აღბად 14 საათი, ე. ი. ერთი კვირა, ივარჯიშე. ჩემი აზრით, ამ დროის განმავლობაში შენ უფრო

სასარგებლო საქმის გაკეთება შეგეძლო. შენ ხომ სიმძიმეების აწევაში პირველობას არა ჩემობ.

— არა, რობერტ. მე მხოლოდ ჩემთვის .. მინდა, ღონიერი და ჯანსაღი ვიყო.

— შენ ისედაც ღონიერი ხარ. მერე აქ, ქარხანაში, განა ცოტა სავარჯიშო სამუშაოა?

ამ ლაპარაკში შაბაშის დრომაც მოაწია. გაიცინა საყვირის ხმა მუშები ათობით გამოდიოდნენ ქარხნიდან გარეთ, მზეზე საუზმის საჭმელად.

იქ ვილაცა რაღაცას ამბობდა. აქეთ მღეროდნენ, იქითკენ უსტვენდნენ და ოხუნჯობდნენ. ქრელად მოეფინენ ქარხნის ეზოს მუშები. ყმაწვილებიც გამოვიდნენ, ისაუბრეს და შემდეგ წავიდნენ ეზოს მეორე მხარისაკენ, სადაც ახალი, გაუხსნელი მანქანა იდგა.

— რა ფირმისაა?

— წარწერა არა ჩანს, ფიცარი უშლის.

— კარგისა უნდა იყოს.

— ჯო, რობერტ, მომილოცავს!

— რას გვილოცავ?

— ახალ მანქანას. ღირეკციამ გადასწყვიტა...

— ჰე-ჰეი, რობერტ, ჩვენი მანქანა, ჩვენი მანქანა — და ჯომ კისერში მოჰკიდა ხელი თავის ამხანავს. ორთავენი დატრიალდნენ.

— მოიცა, ჯო, თავბრუ დამეხვევა. — გაუძალიანდა რობერტი.

— ხა, ხა, ხა, ბიჭოს! ამას უყურეთ! ჰე, ჰეი, ახალი მანქანა. — სიხარულისაგან ჯომ მაგრად მოატრიალა რობერტი. რობერტმა ხელი ჯოს ნიკაპს მოახვედრა და ჯომ უნებურად ხელი გაუშვა.

— ჰეი, ამხანაგებო! რობერტი და ჯო ჭიდაობენ, ჩქარა მოდით, ჩქარა — დაიყვირა ვილაცამ. ცნობისმოყვარე მუშებმა ალყა შემოარტყეს მეგობრებს და უყურებდნენ.

— ჰო, ჰო, ვიჭიდაოთ, რობერტ?

— რატომაც არა. ხა, ხა, ხა, გაღიხარხარა ჯომ.

ასე ხუმრობით დაიწყეს ნამდვილი ჭიდაობა. გამარჯვება თითქოს ხან რობერტის და ხან ჯოს მხარეზე რჩებოდა.

— ჯო წააქცევს.

— ნწ, ვერა.

— ჯოს ბიცებსი ოცდათვრამეტი აქვს.

— ვნახოთ.


— აბა, რობერტ, მაგრად, მაგრად.

— ჰეი, მარცხნივ.

— ოხ...

ჯო იღლებოდა, რობერტი ოფლში გაწურულიყო.

უცებ ერთი-ორი — და რობერტი წაიქცა, ჯოც ხედ დააწვა. წამიც და მან ცქვიტად აიტანა ტანი



ხელებზე და ზურგზე მოექცა ჯოს. ერთი წამიც და მიწაზე გაშლართულ ჯოს ხელები მხარზე დააბჯინა.

— ვაშაა, რობერტ!..

მაგრამ...

თავმოყვარე ჯო სირცხვილით აინთო. ბრაზმა გაუღელვა. თვალეზისისხლიანებული მიწიდან სწვდა რობერტის ყელს, ხელები სალტესავით შემოარტყა და მოუჭირა. დაავიწყდა მეგობრობა. მასში მხეცმა გაიღვიძა. ზიზლი და ბრაზი მოჩანდა მის სახეზე.

რობერტს გაუკვირდა, მერე გაიღიმა, მერე აერჯოლდა, შეშინდა. იგრძნო, რომ იხრჩობოდა. სული ეხუთებოდა. მას შეეძლო იქვე დაგდებული აგური აედო და მოეკლა ჯო.

მაგრამ მან მოიკრიფა უკანასკნელი ძალ-ღონე და გაიცინა...

თვალეზი... თვალეზი კი დახუჭა, რომ მთელი თავისი შიში არ ემცნო ჯოსთვის.

ჯო ელდანაცემივით შეკრთა, ნელ-ნელა გაუშვა ხელი. დასუსტდა. მოიბრუნა პირი და მწარედ გადააფურთხა.

მკითხველებო, ეს ყველაფერი მოხდა რამოდენიმე წამის განმავლობაში. ყველა დაიბნა, გარდა რობერტისა.

მეგობრები წამოდგენ.

შაბაში გათავდა.

ქარხანაში, მანქანასთან, რობერტს ჯო მიუახლოვდა.

— რობერტ... მე... მე მინდოდა შენი... შენი დახრჩობა.

— ვიცი, ჯო.

მეგობრებმა მხურვალედ გადაჰკოცნეს ერთმანეთი.

დიომიდე ანთაძე.

ახალგაზრდათა კომუნისტური ინტერნაციონალი

(მისი დაარსებიდან ხუთი წლის შესრულების გამო).

ახალგაზრდათა კომუნისტური ინტერნაციონალი იმგვარათვე ნაშობია პირველ საერთაშორისო ომის მიერ, როგორც კომინტერნი. ახალგაზრდათა თაობამ იგრძნო, რომ თუ არა ამ ომში, მახლობელ „უკანასკნელ“ ომში მაინც, იმპერიალისტები ყოველ შემთხვევაში სასაკლაოზე გადენიან მილიონ ახალგაზრდა მუშებს,—თუ რომ მუშათა კლასი წინასწარ არ მოიშორებს იმპერიალისტებს.

გ. ზინოვიევი.

ხუთი წლის წინ რევოლიუციონურ მუშათა ახალგაზრდობამ საფუძველი ჩაუყარა ახალგაზრდათა კომუნისტურ ინტერნაციონალს.

1907 წელს, პირველ საერთაშორისო კონგრესზე შტუტგარდში, ახალგაზრდათა ორგანიზაციები იქცევა რევოლიუციონურ ახალგაზრდობის დარაზმულ ორგანიზაციად.

შტუტგარდის კონგრესმა ახალგაზრდათა ორგანიზაციების შემდეგ განვითარებაში უდიდესი როლი ითამაშა; მანვე მისცა წინამძღვარი საფუძვლები ახალგაზრდათა კომუნისტურ ინტერნაციონალის შექმნის საქმეს.

მართალია, ახალგაზრდათა ორგანიზაციების ნაწილმა იმპერიალისტურ ომის ხანაში გადაუხვია ქვეშარტ რევოლიუციონურ გზას, გაჰყვა სოციალ-შემთანხმებლებს, დაივიწყა მუშათა კლასის სასიცოცხლო საქმეები, მაგრამ მათი უმეტესი ნაწილი მაინც კიდევ განაგრძობდა გააფთრებულ ბრძოლას კაპიტალისტურ-ბურჟუაზიულ, მყვლეფელოურ-მტაცებლურ პოლიტიკის წინააღმდეგ, სოციალ-დემოკრატიულ პარტიის რევოლიუციონურ ნაწილთან ერთად.

იტალიის ახალგაზრდათა კავშირმა ჯერ კიდევ ომამდე გამოუშვა მოწოდება, რომელშიაც იყო ნათქვამი: „შემტკიცებელიყვენ და შეკავშირებულიყვენ წითელი დროწის გარშემო, რომ დაეწყოს სა-მოქალაქო ომი“. მაუხედავად ყოველგვარი სიძნე-

ლისა, ხსენებული კავშირი მოზრდილთა შორის მაინც აწარმოებდა გაძლიერებულ კამპანიას ომის წინააღმდეგოდ. 1917 წ. თებერვალში იტალიის მუშურმა ახალგაზრდობამ პარტიასთან ერთად მოაწყო დემონსტრაცია იმპერიალისტურ ომის წინააღმდეგ.

გერმანიის რევოლიუციონური ახალგაზრდობა 1916 წ. მისში აწყობს გაფიცვას, რომელიც მთავრობის უკანონო მოქმედებების წინააღმდეგ იყო მიმართული.

1915 წ. შემდგარმა სხვადასხვა ქვეყნის პროლეტარულ ახალგაზრდობის კონფერენციამ გამოსთქვა აზრი, რომ შემოელოთ საერთაშორისო ახალგაზრდობის დღე, დღე საერთაშორისო მუშათა კლასის სოლიდარობისა.

1919 წ. მოწვეულ იქმნა ქალ. ბერლინში ახალგაზრდათა კომუნისტური ინტერნაციონალის პირლი კონგრესი, რომელმაც ერთხელ და სამუდამოდ ჩაუყარა საფუძველი ახალგაზრდათა საერთაშორისო ორგანიზაციას. ამ კონგრესმა გამოიმუშავა და მიიღო პროგრამა, რომელშიაც იყო აღნიშნული მთელი თავისი სიგრძე-სიგანით საკითხი კლასთა ბრძოლის შესახებ, ახალგაზრდობის აქტიური მონაწილეობა პოლიტიკურ ბრძოლაში მუშათა კლასთან ერთად და სხვ.

მას შემდეგ გავიდა შეუღრეკელი ბრძოლის ხუთი წელი, და ეხლა ახალგაზრდათა კომუნისტურ

ინტერნაციონალს შეუძლია ბურჟუაზიის წინააღმდეგ ბრძოლაში 1,200,000 კაცი გადაისროლოს.

ახალგაზრდათა კომუნისტური ინტერნაციონალი დღეს თავის რიგებში ითვლის 60 ქვეყნის ახალგაზრდათა კომუნისტურ კავშირს, რომელთა უმეტესობაც ცხოვრობს არალეგალურ მდგომარეობაში, ე. ი. ქვე ქვე მუშაობს.




არის მხოლოდ ერთი სახელმწიფო მთელ ქვეყნიერებაზე, სადაც მუშათა კლასსა და მუშათა ახალგაზრდობას თავისუფალ ორგანიზაციის საშუალება აქვს. ეს გახლავთ ს. ს. რ. კ. და სწორედ ეს ფაქტი ყველაზე უფრო უწყობდა ხელს იმას, რომ საუკეთესო და უძლიერესი გვარდია ახალგაზრდათა კომუნისტური ინტერნაციონალისა არის რ. ა. ლ. კ. კ. (რუსეთის ახალგაზრდათა ლენინური კომუნისტური კავშირი), რომელსაც 900,000 წევრი ჰყავს.

სხვა ქვეყნებში კომკავშირის გავლენა ვერც შედგება მის ორგანიზაციების გარეთაც, ასე, მაგ., საერთაშორისო ახალგაზრდათა დღესასწაულში, როგორც სხვა კამპანიებშიც, რომელიც მიმდინარეობს ახალგაზრდათა კომუნისტურ ინტერნაციონალის დროშის ქვეშ, დემონსტრაციებში მონაწილეობას იღებს მრავალი ასი ათასი ახალგაზრდა მუშა მაშინ, როდესაც კომკავშირელთა რიცხვი მათში გაცილებით ნაკლებია.

ახალგაზრდათა კომუნისტური ინტერნაციონალის ხუთი წლის თავი იმის თავდება, რომ ორგანიზაცია, რომელსაც 1,200,000 წევრი ჰყავს, გახდება უფრო ძლიერ ორგანიზაციად საერთაშორისო რევოლუციონურ ახალგაზრდობის ბრძოლისა თავის მზავგრელების წინააღმდეგ, რამაც მსოფლიო მასშტაბით სრულ გამარჯვებამდე უნდა მიგვიყვანოს.

შ. შეწირული.

კომკავშირის 7 წლის თავი



20 ნოემბერს შესრულდა საქართველოს ახალგაზრდათა ლენინური კომუნისტური კავშირის სახელოვანი ბრძოლის და სისხლიანი არსებობის შვიდი წლის თავი.

1917 წ. თებერვლის რევოლუციის შემდეგ საქართველოს სხვადასხვა კუთხეებში და განსაკუთრებით კულტურულ და საწარმოო ქალაქებში საფუძველი ეყრება ახალგაზრდათა მუშურ-გლეხურ ჯგუფებს, რომელიც შემდეგში გადაიქცა იმ ქარიშხლიან ზღვად, რომელსაც დღეს საქართველოს ახალგაზრდათა ლენინური კომუნისტური კავშირი ეწოდება.

შვიდი წლის წინად საქართველოს სხვადასხვა კუთხეებში—ტფილისი, ქუთაისი, გურია, სამეგრელო და სხვა—პირველად ვარდება ის თესლი, რომელზედაც შემდეგ ამოვიდა და გაიზარდა კომკავშირი.

თუმცა პირველ ხანში ეს ჯგუფები არ იყვნენ ურთიერთშორის მტკიცედ შეკავშირებულნი, მაგრამ მათ კავშირი ჰქონდათ კომუნისტურ პარტიასთან, რომელიც ხელმძღვანელობას უწყევდა ამ ჯგუფებს, აკავშირებდა, ამტკიცებდა და რაზმავდა გადამწყვეტ ბრძოლისათვის თავის კლასიურ მტრების—

კაპიტალისტ-ბურჟუების და მათი მახანჩალა, გამყიდველ სოციალ-დემოკრატების წინააღმდეგ.

თავის არსებობის შვიდი წლის განმავლობაში ჩვენმა კომუნისტურმა კავშირმა მრავალგვარი გზა გაიარა. მისი ნარეკლიანი გზა აღსავსეა დამარცხებისა და გამარჯვების მომენტებით, მაგრამ მისი რკინის ნება ერთხელაც არ შეუპყრია მწუხარებას, არ გასტეხია გული, რადგან სწამდა, რომ მიმავალი მანძი მას ეკუთვნის, მისია საბოლოო გამარჯვება, რაც ცხოვრების სინამდვილემ მართლაც მეტის-მეტე სისწორით განახორციელა 1921 წელს.


დღეს საქართველოს ახალგაზრდათა ლენინური კომუნისტური კავშირი თავის არსებობის მერვე წელში გადავიდა. მას წინ ჯერ კიდევ აქვს გასავლელი ძნელი და ხანგრძლივი გზები, მაგრამ ჩვენ გვწამს, რომ მათაც დაძლევეთ და ბრწყინვალე გამარჯვებას ვიდღესასწაულებთ საერთაშორისო მასშტაბით.

გაუმარჯოს საქართველოს ძლიერამოსილ ახალგაზრდათა ლენინურ-კომუნისტურ კავშირს!

გაუმარჯოს ახალგაზრდათა საერთაშორისო მოძრაობას!

შანი.

ვანო საკაჭიშვილის ზსოვნა



ალარ გვყავს ვანო.
 სდუმს იაღონი, სულგანაბული რომ უსმენდა
 დიდი, პატარა!
 ალარ გვყავს ვანო!
 დედაქალაქმა გაყინულ მიწას მიაბარა ის
 საუკუნოდ.

ველარ ვიხილავთ მას, ჩვენი მზით
 პირგადაკოცნილს,
 ველარ ვიხილავთ მას, ჩვენს ვანოს,
 ვანოს შავგვრემანს.

* *

მაისში, ვარდობის თვეში,
 ათას რვაას ოთხმოც წელს
 დაიბადა ის...

და ამუსიკა,
 ვით ბუღბუღი
 შეყვარებული.
 მზეს შესცინოდა,
 მზის ნატეხი
 ტფილისის შვილი.

* *

მღეროდა ვანო—
 და მტკვარიც კი
 მიყუჩდებოდა.
 შავ ვეშაპივით
 ყურს უგდებდა იმას
 მთაწმინდა...

და მკმუნვარების
 ნაოჭები გაეშლებოდა.
 მღეროდა ვანო—
 უმღეროდა მთელი
 სხეული.

მღეროდა თმებით,
 ხელით, ფეხით,
 წარბით, წამწამით,

მღეროდა მთელი თვისი არსებით...
 სუნთქვაშეკრული მას უსმენდენ ყველა
 დამსწრენი.

* *

არყოფნის გველმა დაგვიშხამა
 მღერის რაინდი.
 „მომიტანდე, შემასმევედე,
 ეგებ ცოტა მოვჯობინდე“...

ისმონდა მღერა—და თვით დნებოდა თავისი ხმის
 სინარნარში.

და დაინახა თვის სარეცელთან
 შავი აჩრდილი.

მიხვდა ყველაფერს.
 დამცინავემა გადაჰკრა ღიმმა.
 „ვეგრძნობ, რომ თავდება ყველაფერი...
 სუყველაფერი“.

და საბრძოლველად სიკვდილიც კი
 გამოიწვია...
 „ვეგრძნობ, რომ თავდება ყველაფერი...
 სუყველაფერი“...

და ამუსიკადა.
 და თვით სიკვდილიც
 წარმტაც ლეგენდად
 გადააქცია.

* *

კვდება.
 თავდება.
 მღერის...

შესცქერის, ბენეფისებზე
 რაც მოართვეს
 მოხიბლულებმა.
 ნაღვლიანია სიმღერა მისი.
 ის ემღურის ბედს,
 ემღურის სოფელს,
 ვერაგს, გაუტანელს.
 ემღურის...

„თავო ჩემო,
 ბედი არ გიწერია“...
 ნაღვლით აღსავსე
 გაისმის ხმები.

„თავო ჩემო,
 ბედი არ გიწერია“...
 კვლავ იმეორებს.
 შავი აჩრდილი კი იცინის,
 უღმობელია.

„ყველა წამოხვალთ...“

ჩემთან წამოხვალთ შენც და ყველანი—
 ამბობს უსიტყვოდ.

* *

ტფილისი,
 ხელოვანთა სასახლე.
 საპატოო ყარაული.
 ძვირფასი ცხედარბ.
 სამგლოვიარო მუსიკა.



დათაღბული ცა.
გაჭედლილი ქუჩები.
ტფილისის მცხოვრებნი,
გაერთსულოვნებულნი,
რომ ერთად დაიტვირონ ბუღბუღი.

* * *

უკანასკნელი მგზავრობა.
ხელოვანთა სასახლიდან საოპერო
თეატრის ბაღში.

სიტყვები.
აღმოსავლური მუსიკის გლოვა
მინაჩებული.

მიაქვს...
შავი სამარე მიიღებს იმას.
ჩვენი აკაკი ეკოლება იქვე,
მახლობლად...

და გრძობის ორი ღმერთის ძეგლები
უდარაჯებენ ქართულ ოპერას...

* * *

გაჭკრა ყოველი.
ის აღარ არის.
შავი სამარე ჰფარავს მის სხეულს.
გულში იხუტებს საოპერო თეატრის ბაღი.
გულშემზარავად პირს იხაკავს
ტურფა ეთერი,
დაობლებული რომ გაჭრილა,
ვით გიჟი, ველად.
ემებს ეთერი.
ემებს... ეძახის...

მაგრამ არსად ჩანს აბესალომი.
აღარ გვყავს ვანო.
მხოლოდ აჩრდილს ჰკოცნის ეთერი.
სტირის მალხაზი.
დაღვრემილა მწარედ დონ-ხოზე.
გლოვობს კოვარდოს.
დიდი შოთა გრძობამორევით
ვეფხის-ტყაოსანს იხსენებს და ნაზად
ბუტბუტებს:

„რა ესმოდის მღერა ყმისა,
სმენად მხეცნი მოვიდიან-
მისსა ხმისა სიტკობსაგან
წყლით ქვანიცა გამოხსნიან“.
სტირის აღფრედი,
ირაკლი, რაულ.
ცრემლებს იწმენდენ რაღამეს, ნადირ...

* * *

გაივლის მგზავრი...
გადახედავს საოპერო ბაღს,
ეტყვის მეორეს: „აქ მარხია სარაჯიშვილი“.
შეუტოვდება უცნაური ტკივილით
გული,
და თვალის უბე შეიცეკვებს
ნერვიულობით.

* * *

დადგება მწუხრი. შეიცვლება
სურათი დღისა.
იღუმალეებით აივსება მთაწმინდა
ჩვენი.
მთების ნიაფი ესტუმრება
ტფილისის ქუჩებს.
ქართულ ოპერას დაეტყობა
გამოცოცხლება.
ცივ სამარეში ბორგვას იწყებს
აბესალომი.
საათის რვაზე აიხდება ფარდა
სცენისა.


კუბოს შეანძრევს, წამოდგება
ვანოს აჩრდილი
და ფეხაკრეფით მიაშურებს
საყვარელ სცენას.
როცა ოპერა გათავდება
და ხალხიც წავა,
ისევ უჩინრად დაბრუნდება
მუდმივ ბინაზე,
თვალცრემლიანი ყრუდ იმღერებს
თვის ბნელ საკანში:
„თავო ჩემო, ბედი არ გიწერია“.

* * *

ქართულ ოპერის ქირისუფალთ
მოუწყენიათ.
შავ-ბნელი ფიქრი მუდამ თან სდევსთ,
აღარ შორდება:
„ვანოს ჰანგების მომხიბლავი,
ტკბილი ზღაპარი.
აწ არასოდეს, არასოდეს
გამეორდება“.

შ. თაბუკაშვილი.





ვანო სარაჯიოვილს

ვერ გაუძლოო ეთერის ტრფობას
და იმის მკერდზე სული დალია...
გარდაიცვალა აბესალომი!
ნეტავ სტყუიან, თუ მართალია.

ღამემ გაშალა უფსკრულის ფრთები
და სიბნელეში მისწყდა ურმული.
მუნჯი არყოფნის სარცელოზე
ტკბილი მეურმე დღეს დაღურსმული.

დღეს მთელ ქვეყანას მოველინება
ეს ხმა უეცრად, ვით ელვის ხაზი,
საქართველოში რიამ აღარ მღერის
„აბესალომი“, „ნაზი მალხაზი“.

როგორ გვხიბლავდა მისი ჰანგები!
სათუთი სევდის ნაზ ფრთებს მოგვხვევდა,
გადაგვაფრენდა შორს, უცხო მხარეს
და მიწის ცრემლებს თან მოარხვედა.

გაწყდა ჩანგურზე ხმატკბილი სიმი...
იმგვარი გზნებით აწ ვინღა გვიმღერს:
„მურმანოს“, „ურმულს“ ღ „რომ არ მწყალობს“,
„თავო ჩემოს“ და „როდესაც გიციქვრს“.

ვერ გაუძლოო ეთერის ტრფიალს
და იმის მკერდზე სული დალია...
გარდაიცვალა აბესალომი...
ნეტავ სტყუიან, თუ მართალია?

ილ. სიხარულიძე.



როგორ წარმოიშვა ადამიანი



აზროვნების განვითარებისთანავე ადამიანს დაე-
ბადა სურვილი გაეგო, თუ როგორ გაჩნდა ქვეყანა:
მიწა, წყალი, ცა, ვარსკვლავები, ცხოველები და
თვით ადამიანიც.

მეცნიერება მხოლოდ ბოლო დროს იძლევა
ამაზე პასუხს, თუმცა ბევრი რამ ჯერაც
კიდევ გამოურკვეველია.

უძველეს დროს კი ამის შესახებ სრუ-
ლიად არაფერი იცოდნენ.

სანამ ადამიანები საკმაოდ განვითარ-
დებოდნენ, ამ ამოცანის გამოსარკვევად ხან
რას ფიქრობდნენ და ხან რას. და რადგა-
ნაც სწორი პასუხი ვერ ეპოვათ, გადასწყვიტეს, რომ
ყოველივე ეს ზესთაძალებია და დაუწყეს მათ გა-
ღმერთება.

ასეთ გაღმერთებას და ამრიგად ადამიანის გო-
ნების დაბნელებას ხელს უწყობდნენ ქურუმები და


გაბატონებული კლასი, რომლებმაც ამით შემოსავ-
ლის წყარო გაიჩინეს და თანაც ამ „ღმერთების“
წყალობით გაუნათლებელი ხალხი დაიმონავეს.

მაგრამ ადამიანი ვითარდებოდა, ძველი ზღა-
პრები აღარ აკმაყოფილებდა მის აზრს და შეიქმნა
ახალი მოძღვრება, თითქოს მთელი ქვეყა-
ნა და ადამიანიც ხუთიათასი წლის წინად
შექმნა შვიდი დღის განმავლობაში ერთმა
ღმერთმა.

ამრიგად დაიმსხვრა ძველი ღმერთები
და ძველი ქურუმებიც უსაქმოდ დარჩენ.
მაგრამ გაქნდნენ ახალი ქურუმები სამღვდე-
ლოების სახით და თავისი ახალი მოძღვრებით გაბა-
ტონებულ კლასს ამოუდგენ გვერდში.


მეცნიერება ნელ-ნელა წინ მიიწევა და გამო-
ირკვა, რომ ახალი მოძღვრებაც ყალბია.

გაბატონებული კლასი და „მღვდელმსახურნი“,



რომლებმაც ახალი მოძღვრება ხალხის დასაჩაგრად გამოიყენეს, ასე ადვილად ვერ შეუტირებოდნენ ახალი მოძღვრების უარყოფას, რადგანაც სარწმუნოებასთან ერთად დაირღვეოდა მასთან შეგუებული წყობილება, ისინი დაჰკარგავდნენ უფლებებს, მათი კეთილდღეობა მოისპობოდა.

ამიტომ ისინი ატუსაღებდნენ და აწამებდნენ მეცნიერებს, რომლებიც ქვეყნის და ადამიანის წარმოშობის შესახებ მეცნიერულ გამოკვლევას აქვეყნებდნენ. მაგალითად, გალილეი დასწვეს მხოლოდ იმიტომ, რომ მან გამოარკვია და გამოაცხადა: მიწა არ არის გაჩერებული ერთ ადგილზე, ის ბრუნავსო. მანამდე კი ფიქრობდნენ, მიწა გაჩერებულიაო.



დევნა და წამება მეცნიერებს ვერ აფერხებდა. ყველა მეცნიერის დაწვა შეუძლებელი იყო.

მაშინ დაუწყეს დაწვა წიგნებს, მეცნიერებს კი ეკლესიას ამორებდნენ და შეაჩვენებდნენ ხოლმე, რომ გაუნათლებელ ხალხში მათი ნდობა დაეკარგათ.

ეკლესიას ჩამოაშორეს და „შეაჩვენეს“ მეცნიერი დარვინიც, რომელმაც პირველმა გამოარკვია ადამიანის წარმოშობის სინამდვილე.

მანამდე ფიქრობდნენ, ადამიანები ღვთის მსგავსი ზემნილებანი არიან და სხვა ცხოველებთან არაფერი საერთო არა აქვსთო.

მეცნიერებამ დაამტკიცა, რომ ადამიანებიც ჩვეულებრივი ცხოველები არიან, მაგრამ არსებობისათვის ბრძოლაში უფრო დაწინაურებული, უფრო განვითარებული და, მაშასადამე, ნიჭიერიც.

ყოველივე ნაწილი სხეულისა, რომელიც აქვს ცხოველს, აქვს ადამიანსაც. კული, რომელიც თითქოს მარტო ცხოველს აქვს, აქვს ადამიანსაც, მხოლოდ განუვითარებელი და ხორციით დაფარული, თუმცა ყოფილა ისეთი შემთხვევებიც, რომ დაბადებულა კულიანი კაცი.

ცხოველს აქვს ოთხი ფეხი, ადამიანს კი ორი ფეხი და ორი ხელი, ცხოველს აქვს ორი ყური და ერთი ცხვირი, ადამიანსაც ორი ყური და ერთი ცხვირი, ცხოველს აქვს ბრჭყალები, ადამიანს ფრჩხილები, ცხოველი ბეწვიანია, ადამიანს თმა აქვს. კიდევ უფრო დიდი მსგავსება აქვს ადამიანს ცხოველთან, თუ მაიმუნს შევადარებთ. აქ განსხვავება ძალიან მცირეოდენია.

აი ასეთმა დაკვირვებებმა დაარწმუნეს მეცნიერები, რომ ადამიანიც ჩვეულებრივი ცხოველია, მაგრამ სხვადასხვა პირობების გამო დაწინაურებული.

კიდევ უფრო დამტკიცდა ასეთი აზრითაა უძველესი დროის ადამიანების ჩონჩხები შეისწავლეს. გამოირკვა, რომ რაც უფრო დიდი ხნისაა ჩონჩხი, მისი პატრონი ადამიანი მით უფრო მეტად უახლოვდება და ემაგავება ცხოველს.

ადამიანის უძველესი ჩონჩხი იპოვეს გერმანიაში, გამოქვაბულში, ნეანდერტალის მახლობლად.

როცა ის შეადარეს თანამედროვე ადამიანის ჩონჩხს, დიდი განსხვავება აღმოჩნდა; ეს არსება უკრო მაიმუნს წაგავდა, ვიდრე ადამიანს.

ცოტა ხნის შემდეგ კუნძულ იავაზე მაიმუნისებური ადამიანის ჩონჩხი იპოვეს. ნაპოვნი იყო სულ რამდენიმე ძვალი, რომლითაც მთელი სურათი აღადგინეს.

ამ ადამიანს პიტეკანტროპი დაარქვეს.

პიტეკანტროპი საშუალო ტანის იყო. ხელები ჩვენზე უფრო გძელი ჰქონდა, ფეხები უფრო მოკლე; ტანი ბეწვით იყო დაფარული. შესახედავად ის მეტად ტლანქი და ზანტი იყო, მაგრამ სინამდვილეში მარდი და საშიში ცხოველი იყო; შუბლი ვიწრო და უკან დაქანებული ჰქონდა, წარბის რკალები მეტად განვითარებული და წინწამოწეული. ჰქონდა პაწია, ღრმად ჩასმული თვალები და შეკლებილი, ნამდვილი მხეცური ცხვირი.

ის შეუპოვარი ველური ცხოველი იყო.

ყოველივე ზემომოყვანილმა ჯერ აფიქრებია ადამიანს, რომ ადამიანები მაიმუნებისაგან წარმოიშვნენ, მაგრამ მალე გამოირკვა, რომ ადამიანი სრულიადაც არ არის მაიმუნის შთამომავლობა, არამედ ადამიანიც და მაიმუნებიც საერთო წინაპრისაგან არიან წარმოშობილნი.

რა მიზეზია, რომ ერთი წინაპრის შთამომავლობა—მაიმუნი და ადამიანი—ასე განსხვავდებიან ერთ-მეორისაგან? ეს ჯერაც არ არის გამორკვეული, ფიქრობენ კი შემდეგს: დედამიწა წინად ცხელ ნივ-



თი-მეორისაგან? ეს ჯერაც არ არის გამორკვეული, ფიქრობენ კი შემდეგს: დედამიწა წინად ცხელ ნივ-



თიერებას წარმოადგენდა, როგორც მზე, მერმე ნელ-ნელა ცივდებოდა; მას გაუჩნდა ქერქი და მიწა წყალს გამოეყო.

პირველ ხანებში ხშირი მოვლენა იყო, რომ მიწა დაიწვედა და მას წყალი დაჰფარავდა ხოლმე, ხანდახან კი ზღვის ძირი აიწვედა და ხმელეთად იქცეოდა, ჩნდებოდა ახალი ზღვები და კუნძულები.

დედამიწის გარდაქმნის პროცესი ჯერ კიდევ არ იყო დასრულებული, როცა ქვეყანაზე ცხოვრება გაჩნდა.

და, აი, შესაძლოა ისე მოხდაო, ამბობენ მეცნიერები, რომ ადამიანები მოექცნენ ერთ კუნ-

ძულზე, სადაც ცხოვრების წარმოუდგენელი პირობები იყო.

არსებობისათვის ბრძოლაში, ათასი წლების განმავლობაში საშინელ პირობებში ყოფნის დროს, გარდაიქმნა და შეიცვალა ადამიანის ბუნება.

იმ პირობებში მხოლოდ უფრო გამძლეს, ნიჭიერს, გამჭრიახს და ლონიერს შეეძლო არსებობისათვის ბრძოლა და სიცოცხლის შენარჩუნება, სუსტები კი ისპობოდნენ.

ძლიერი და გონიერი წინაპრებიდან ნელ-ნელა გამოიმუშავდა ცხოველების ახალი ჯიში—ადამიანი.

ის თანდათან უმჯობესდებოდა და დღევანდელ მდგომარეობამდე მიაღწია.

ორთქლი, როგორც მამოძრავებელი ძალა

(ისტორიული მიმოხილვა).

I. ვინ დაუდო საფუძველი ორთქლის გამოყენებას.

თქვენ ალბად შეგიშინეიათ, როგორ ინძრევა ჩაიდანის თავი, როცა წყალი დუღს. ახლა ჩვენ ადვილად ავხსნით ამ მოვლენას, რადგანაც ვიცით, ორთქლს ისეთი ძალა აქვს, რომ შეუძლია ამოძრავოს არა თუ პატარა ჩაიდანის თავი, არამედ დიდი ორთქლმავლებიც, მაგრამ დიდი ხანი არ არის, რაც ორთქლის ძალა გამოიყენეს ცხოვრებაში და სანამ ამას მიახწევდნენ, დიდი მუშაობა დასჭირდათ.

მე მინდა აქ მოკლედ გადმოგცეთ ისტორია ორთქლის ძალის გამოყენებისა და დავასახელო ის მუშაუნი, რომელთაც ბევრი იწრომეს, იწვალეს და ზოგმა სიცოცხლეც-კი შესწირა ამას.

საფრანგეთში, ქ. ბლუაში. ის შევიდა პარიზის უნივერსიტეტში საექიმო ნაწილზე, მაგრამ ექიმობას თავი დაანება და გულმოდგინედ დაიწყო მათემატიკის და ფიზიკის შესწავლა. 1681 წ. პაპინმა გამოიგონა ქვაბი, რომელშიაც შეიძლებოდა ბევრი ორთქლი დაგროვებულიყო.


ეს ქვაბი იყო თუჯისა, მაგრამ დახურული ისე, რომ ორთქლს გამოსავალი არა ჰქონდა.

ქვაბში ნახევრამდე ასხამენ წყალს და ათბობენ. როდესაც წყალი აღუღდება, ქვაბში მოგროვდება ორთქლი, რომელსაც გამოსავალი არა აქვს, და დააწვება წყალს. დაწოლის გამო წყლის დუღილი შესწყდება, რადგან ც დაწოლა სწევს დუღილის წერტილს. როდესაც წყლის ტემპერატურა აიწვევს, წყალი მეორედ აღუღდება და კიდევ მეტი ორთქლი მოგროვდება.

ამგვარად ქვაბში შეიძლება ბევრი ორთქლი მოგროვდეს.

რადგანაც ორთქლის ძალას შეუძლია ქვაბი გახეთქოს, ამიტომ პაპინმა გაუკეთა ისეთი საფარებელი, რომელსაც რაიმე სიმძიმე იმაგრებს. როდესაც ორთქლი იმდენი შეგროვდება, რომ თავისი ძალით შეუძლია ეს სიმძიმე ასწიოს, მაშინ საფარებელი აიხდება და ორთქლი ქვაბიდან გარეთ გამოვა; ამისთანა საფარებელს გასაფრთხილებელ საფარებელს უწოდებენ (Предохранительный клапан) და დიდი მნიშვნელობა აქვს ეხლანდელ ორთქლის მანქანებისთვისაც.


პაპინის ქვაბი დაედო საფუძვლად ყველა ორთქლის მანქანებს და ორთქლმავლებს.



პაპინას ქვაბი.

პირველი, რომელმაც იფიქრა ორთქლის გამოყენება, იყო დენის პაპინი. პაპინი დაიბადა 1647 წ.

ეროვნული
ბიბლიოთეკა



გ ე მ ი.


არ არის ისეთი ორთქლის მანქანა, რომელსაც არა ზქეს ქვაბი თავის გასაფრთხილებელ საფარბლით.

როგორც ამბობენ, პაპინმა მოიგონა აგრეთვე პირველი ორთქლის მანქანა. მანქანა შესდგებოდა პაპინის ქვაბისგან, საიდანაც ორთქლი შედიოდა ერთგვარ ცილინდრში და ამოძრავებდა მასში ჩადგმულ დღუშს. მაგრამ ამ მანქანას ბევრი ნაკლი ჰქონდა და არ გამოდგა. პაპინსვე აწერენ პირველი ორთქმავალი გემის გამოგონებას.


როგორც ხშირად ხდება, პირველ გამოგონებას ექვის თვლით უყურებენ ხოლმე და ზოგჯერ სასაცილოდაც იგდებენ გამომგონებელს. ასე დამართა პაპინსაც. ყველა მატყუარად სთვლიდა მას და არ თანაუგრძობდა. ბოლოს, 1707 წ. პაპინმა გაჰყიდა რაც რამ ებადა და გააკეთა პატარა გემი, რომელიც ორთქლის მანქანის ს. შუალეობით მოძრაობდა. ეს გემი ჩაუშვა მდინარე ვეზირში და თავის სახლობით გაემგზავრა ზედ.

ყველას უკვირდა, რომ გემი უიალქნოდ მოძრაობდა, მაგრამ გამოჩნდნენ ბოროტნი, პატარა ხომალდების პატრონები, რომელთაც შარი მოუდეს პაპინს და ცულებით დაუმსხვრიეს გემი. ასე გათავდა დიდი შრომა პაპინისა და ამან თითქმის ასი წლით დასწია უკან ორთქლმავალი გემების გავრცელება. შემდეგ პაპინი ისე გაღარიბდა, რომ აღარ ჰქონდა საშუალება კიდევ გაეკეთებია თავისი მანქანა. „მე იძულებული ვარ ჩემი მანქანები ბუხრების გასაკეთებლად მოვიხმარო ჩემ საწყალ ქოხში“ — სწერდა პაპინი ერთ წერილში.

პაპინმა ვერ ნახა თავისი მუშაობის შედეგი, მაგრამ მან დაუდო საფუძველი ორთქლის ძალის გამოყენებას.




გაპრილი გემი.



1705 წ. ერთმა უბრალო მკედელმა, ტომას ნაუკომენმა, გამოიგონა ორთქლის მანქანა, რომელიც წყლის ამოსაქაჩავად გამოიყენეს მალაროებში. ესეც, როგორც პაპინის მანქანა, ქვაბისგან შესდგებოდა, რომლიდანაც ორთქლი ცილინდრში გადიოდა და დგუშს ამოძრავებდა. მაგრამ მანქანის ასამუშავებლად ბევრი სათბობი მასალა იყო საჭირო.

1763 წ. ერთი ამისთანა გაფუჭებული მანქანა მიუტანეს განთქმულ ინგლისელ ინჟინერს, ჯემს უატს. უატმა გაასწორა მანქანა, მაგრამ შეატყო,



სურათი № 2.
უატის მანქანის ნაწილი.

რომ ის ბევრ ორთქლსა ჰკარგავს ტყუილ-უბრალოდ და 1765 წ. უატმა გამოიგონა თავისი მანქანა. უმთავრესი ნაწილი ამ მანქანისა არის პაპინის ქვაბი და ცილინდრი, რომელშიაც მოძრაობს დგუში. უატის მანქანის ცილინდრს აქვს ორთქლის შესავალი ორი მილი, რომელნიც ჯერჯერობით საფარებლით იხურებიან. ამიტომ ორთქლი შედის ჯერ დგუშის ზევიდან და სწევს დგუშს ძირს, შემდეგ ზევეთი მილი იხურება და ორთქლი შედის დგუშის ქვედა ნაწილში და სწევს მას ზევით. ამგვარად მოძრაობს დგუში. დგუშის ტარი შეერთებულია დიდ ბორბალთან, რომელსაც მომქნევ ბორბალს უწოდებენ. დგუშის მოძრაობა აბრუნებს მომქნევ ბორბალს, რომელიც შეერთებულია ორთქლის მილის საფარებელთან. მომქნევი ბორბალი შეიძლება შეუერთდეს კიდევ სხვა ბორბალსაც და ამგვარად ააბრუნოს. რომ ვასაგები იყოს უატის მანქანის მოქმედება, იხილეთ სურ. 2. პაპინის ქვაბი და უატის მანქანა ყველა ორთქლის მანქანების უმთავრეს ნაწილს შეადგენს. გინჯ მატარებელის ორთქლმავალი აიღეთ. ის შედგება დიდი ქვაბისგან, რომელშიც წყალი თბება. დაგროვილი ორთქლი შედის ცილინდრში, რომელშიც ამოძრავებს დგუშს დგუ-

შის ტარი უერთდება მომქნევ ბორბალს. ორთქლი მოხეტიალეს საშუალებით უერთდება მეორე ბორბალს და აბრუნებს მას. პაპინმა და უატმა მოამზადეს ნიადაგი და დაუდევს საფუძველი ორთქლის ძალის გამოყენებას.

II. ორთქლის გამოყენება ზღვაზე.

როგორც ვთქვით, პაპინმა ვერ მოახერხა ორთქლმავალ გემების გავრცელება. იმის გამოგონება დაიწყო მისცეს. მხოლოდ 1784 წელს წარუდგინა ამერიკელმა ჯემს ფიჩმა გენერალ ვაშინგტონს გეგმა გემისა, რომელიც უატის ორთქლის მანქანის საშუალებით მოძრაობდა. 1787 წელს ფიჩის გემი ჩაუშვეს მდინარე დელავერში. გემი მდინარის აღმაღლი სისწრაფით წავიდა. ამან დიდი შთაბეჭდილება მოახდინა საზოგადოებაზე. დაარსდა ამხანაგობა, რომელსაც მიზნად ჰქონდა, დახმარება გაეწიათ ფიჩისთვის. 1788 წ. ამერიკის შეერთებულ შტატების მთავრობამ მიანდო ფიჩს ხუთ შტატში გემებით მიმოსვლის საქმის მოწყობა. ეს ფიჩმა ჩქარა აასრულა, და გემების მიმოსვლა მოკლე მანძილზე გაიჩარხა. შემდეგ ფიჩმა განიზრახა უფრო დიდი გემი გაეკეთებია. მაგრამ კარგი ხელოსნები არ ჰყავდა, მანქანა ვერ გამოდგა და გემი ძალიან ნელა მიდიოდა. ეს საკმარისი იყო, რომ ფიჩს საზოგადოება განზე გასდგომოდა. თუმცა ფიჩი არწმუნებდა კაპიტალისტებს, ამის გამოსწორება ადვილი საქმეაო, იმათ მაინც უარი უთხრეს დახმარებაზე. ფიჩი, თავისი იდეით გატაცებული, სულ ცდილობდა ეშოვნა სადმე საჭირო თანხა, მაგრამ ყველანი სასაცილოდ იგდებდნენ. სასოწარკვეთილებაში ჩავარდნილი ფიჩი მდინარე დელავერში გადავარდა და თავი დაიხრჩო.

სწორედ ამ დროს დაიწყო მუშაობა მეორე გამოჩენილმა გამოგონებელმა, რობერტ ფულტონმა.

ფულტონი დაიბადა 1765 წელს. ის ჰოლანდიის ემიგრანტის შვილი იყო. პატარა დაობლდა და ოქრომკედელთან დააყენეს მოწაფედ. დიდი ნიჭი გამოიჩინა ხატვაში, ისე რომ ჩვიდმეტი წლიდან ხატვით ცხოვრობდა. შემთხვევით ფულტონი ერთ მდიდარ ამერიკელს შეხვდა, რომელსაც ძალიან მოეწონა ფულტონი და თავის ხარჯით ლონდონში მხატვარ ვესტთან ხატვის შესასწავლად გაგზავნა. ფულტონი გულმოდგინედ მუშაობდა, მაგრამ ჩქარა დაიწყო სხვადასხვა მანქანების ხატვა და გატაცებით დაიწყო მექანიკის შესწავლა. ფულტონმა გამოიგონა წყალქვეშა ნავი ასაფეთქებელ მანქანით. 1797 წ. პარიზში მდინარე სენაში ჩაუშვეს ეს ნავი ასაფეთქებელი მანქანით. ცდამ კარგად ჩაიარა. ნავმა დაჰყო წყალ ქვეშ 4 საათი და ამოვიდა ზედაპირზე 35 ვერსის მანძილზე.

ფულტონს ძალიან ძვირად უღირდა ეს ცდები და დახმარებას სთხოვდა საფრანგეთის კონსულს, ნაპოლეონს, მაგრამ ნაპოლეონი ექვის თვლით უყურებდა ფულტონის გამოგონებას და არავითარი დახმარება არ გაუწია. ფულტონი იძულებული გახდა ამერიკაში წასულიყო. იმან გააუშჯობესა წინანდელი ორთქლის მანქანა და 1807 წელს ფულტონის დიდი გემი ქ. ნიუიორკს მიადგა. ამის შემდეგ აღარავისთვის არ იყო საექვეო ორთქლის გამოყენების შესაძლებლობა ზღვაში სასაზღვაოდ. რობერტ ფულტონს ეკუთვნის გავრცელება და გამტკიცება ორთქლმავალ გემებისა შვედეთულ შტატებში და აქედან სხვაგანაც.

III. ორთქლმავალი ხმელეთზე.

ახლა ჩვენთვის ჩვეულებრივია მატარებლით მგზავრობა და ვერც კი წარმოგვიდგენია, რომ 100 წლის წინათ ხალხს შორს ქვეყნებშიაც კი ეტლით უხდებოდა მგზავრობა. რასაკვირველია, მაშინ მგზავრობა ძნელი იყო და დიდი დროც სჭირდებოდა.

ვინ გავვიადვილა მგზავრობა? ვინ გამოიგონა მატარებელი?

ორთქლმავალი მოკლე მანძილზე გამოსცადა და კარგი შედეგიც მიიღო.

შემდეგ ინგლისში სტეფენსონს დაავალეს რკინის გზის გაყვანა ორ ქალაქს—სტოკტონსა და დარლიკტონს—შორის. ეს დავალება სიამოვნებით მიიღო სტეფენსონმა და 1825 წლის 27 სექტემბერს დაიძრა პირველი მატარებელი. მანქანას თვითონ სტეფენსონი ამუშავებდა. რამდენიმე ვაგონში იჯდა ხალხი დროშებით. მატარებელს წინ მიუძღოდა ცხენით კაცი, რომელსაც ეგონა, რომ მატარებელი მას ვერ გაუსწრებდა, მაგრამ სტეფენსონმა ანიშნა მას, რომ მორიდებოდა და მატარებელი გააქანა 25 ვერსის სისწრაფით საათში. ამის შემდეგ რკინის გზით შეაერთეს სხვა ქალაქებიც და შემდეგ რკინის გზა მთელ ქვეყნიერებაზე გავრცელდა.

IV. შედეგი.

ორთქლის გამოყენებამ დიდი ცვლილება მოახდინა ცხოვრებაში. გაადვილდა მგზავრობა, რის გამოც სხვადასხვა ქვეყნის ხალხები გაეცნენ, დაუახლოვედნ ერთმანეთს და ერთმანეთის კულტურას. შეითვისეს ერთმანეთისაგან ის, რაც თვითეულ მათგანს აკლდა. ერთი ქვეყნის წინსვლა იწვევს სხვა



პირველი მატარებელი.

ამ დიდი საქმის გამოგონებელი, გიორგი სტეფენსონი, იყო ინგლისელი მალაროს მუშის შვილი. ის ბავშობიივე თავის მამასთან ერთად მუშაობდა მალაროებში. იქ ის ყველაფერს აკვირდებოდა და თავისუფალ დროს-კი სკოლაში დადიოდა და წიგნებს კითხულობდა. პირველად სტეფენსონის გამოგონებული ორთქლმავალი მალაროებში იყო გამოყენებული ნახშირის საზიდად. მართალია, ამ ორთქლმავალს ბევრი ნაკლი ჰქონდა, მაგრამ სტეფენსონი იმას თანდათან აუშჯობესებდა. სტეფენსონი დიდხანს მუშაობდა. მას მოეხარდა შვილი, რომელმაც საინჟინერო ნაწილი გაათავა და დაეხმარა მამას თავის ცოდნით. 1815 წ. სტეფენსონმა თავისი

ქვეყნების წინსვლას, რადგანაც ყველა ახალი გამოგონება სწრაფად ვრცელდება. გაადვილდა საქონლის გადაზიდვა და ამგვარად განვითარდა ვაჭრობა. დიდმა ვაჭრობამ გამოიწვია მრეწველობის განვითარება. ქარხნებში ორთქლის ძალით აამუშავეს სხვადასხვა მანქანები, ისე რომ მუშა ხელი ნაკლები სჭირდებოდა და დიდი სისწრაფით ამზადებენ საქონელს. ამან გააიფარა და ყველასთვის ხელმისაწვდომი გახადა სხვადასხვა მოსახმარი ნივთები.

ყოველივე ეს ზემოდასახელებულ პირების თავგანწირული შრომის ნაყოფია.

ე. ჩერქეზიშვილი.

მეცნიერება და ტექნიკა

ლითონის ფესსაცმელები

საფრანგეთში ერთ ქიმიურ ქარხანაში ახდენენ ლითონების გადადუღებას ერთმანეთში და მისგან ამზადებენ ფესსაცმელებს. ეს ფესსაცმელი იმდენად მაგარია, რომ ადამიანს მთელი სიცოცხლის განმავლობაში ორი-რწყვილი ასეთი ფესსაცმელი ჰყოფნის. გარეგნულად მეტად ლამაზია და არც კი განსხვავდება ტყავის ფესსაცმელებისაგან.

ამჟამად შენდება დიდი ქარხანა ამგვარ ლითონის ფესსაცმელების დამზადებისათვის.

თოვლზე მავალი ველო-სიკაღი

შვეიცარიაში გამოიგონეს საინტერესო, ორიგინალური ველოსიპედი, თოვლზე მშვენივრად მოსიარულე. ზედ მჯდომი ადამიანი საფეხურების დაქერის საშუალებით ატრიალებს წინა დიდ თვალს, იგი თავის მხრივ წრიაპს (ჩხჩხ) წინ წასწევს; მთელი მოწყობილობა ამ წრიაპებზეა დამყარებული.

შ ა რ ა ლ ა

ძველი ქალაქი აიღე,
საბერძნეთს ერთ დროს განთქმული;
იყო ძლიერი, მაგარი,
დღეს ისტორიით ჩანთქმული.

ლითონს სახელად უწოდა
ქართველმა ერმა ძველად,
ეს დაუმატე პირველსა,
განზე გადექი ცქერადა.

სულ წელიწადის თვე არის,
ზამთრის ზღუდზე მდგარია,
ხეში წვენს აამოძრავებს,
ცოცხლდება მთა და ბარია.

დავ. კარბელი.



ს ი ა

ქ უ რ ნ ა ლ ე ბ ი.

1.	„ნაკადული“	1921 წ. №№ 1, 2, 3, 5	თითო წიგნი	25 კაბ.
2.	„	1922 წ. №№ 1, 2, 3-4	„	25 კაბ.
3.	„	1923 წ. №№ 1, 2, 3-4, 5, 6-7, 8-9, 10, 11-12	„	25 კაბ.
4.	„	1924 წ. №№ 1, 2-3, 4-5, 6-7, 8-9, 10-11	„	30 კაბ.
5.	„ჯეჯილი“	1921 წ. №№ 1	„	40 კაბ.
6.	„	1922 წ. №№ 1-2-3	„	40 კაბ.
7.	„	1923 წ. №№ 1-2, 3-4-5, 6-7, 8-9, 10, 11-12.	„	40 კაბ.
8.	„წითელი სხივი“	1924 წ. №№ 1, 2-3, 4-5, 6-7-8	„	40 კაბ.

წ ი ბ ნ ე ბ ი.

9.	„ნორჩი ძალა“—კრებული		თითო ცალი	—	12 კაბ.
10.	„სამი ამბავი“—შოი მღვიმელის		„	„	10 კაბ.
11.	„კოკროჭინა“—დ. დონდუასი		„	„	10 კაბ.
12.	„ბელა ბეკეკა“—დ. დონდუასი		„	„	10 კაბ.
13.	„შემოდგომა“ ფერადსურათებიანი წიგნი		„	„	70 კაბ.
14.	„ღედაბერი, ტურა და მელია კული-გძელია		„	„	50 კაბ.
15.	„ბავშვებს“—ლექსები გ. ქუჩიშვილისა		„	„	20 კაბ.
16.	„ტყის ზღაპარი“—მამინ-სიბირიაკისა		„	„	20 კაბ.
17.	„ტყის სურათები“—შოი მღვიმელისა		„	„	25 კაბ.
18.	„ქიანჭველას საოცარი თავგადასავალი“		„	„	30 კაბ.
19.	„თავისუფალ ბავშთა სიმღერები“		„	„	02 კაბ.
20.	„ქართული მოძრავი თამაშობანი“		„	„	80 კაბ.
21.	„ტროადის ომი“—ალ. მიქაბერიძისა		„	„	80 კაბ.
22.	„იგავ-არაკნი“—ალ. მირიანაშვილისა		„	„	30 კაბ.
23.	„საბავშვო პიესათა კრებული“		„	„	70 კაბ.
24.	„ივანე სულელი“—ზღაპარი ლ. ტოლსტოისა		„	„	15 კაბ.
25.	„ლურჯი ფრინველი“		„	„	50 კაბ.
26.	„მოძრავი თამაშობანი“ სიმღერებით—გოგლიჩიძისა		„	1 მან.	—
27.	„ოვიდიუსის მეტამორფოზები“—მიქაბერიძისა		„	„	70 კაბ.
28.	„ზამთარი“—ფერადი სურათებით		„	„	50 კაბ.
29.	„უძველესი დროის ბავშვის თავგადასავალი“		„	„	45 კაბ.
30.	„როგორ იცავენ თავს ცხოველები მტრისაგან“		„	„	25 კაბ.
31.	„გაზაფხული და ზაფხული“		„	„	90 კაბ.
32.	„რას გვიამბობს ოთახი“		„	„	20 კაბ.
33.	„ზღვის სიმღიდრე“		„	„	20 კაბ.
34.	„პატარა იაპონელები“ ფერადი ყლით		„	„	75 კაბ.
35.	„კოკონთან“ ჩვენი ძმები ყველგან არიან		„	„	10 კაბ.
36.	„როგორ გავატარეთ ზაფხული ბანაკში“		„	„	15 კაბ.
37.	„სიზრმად და ცხადად“		„	„	30 კაბ.
38.	„კოკონთან“ ჩვენი უუროსი ძმები—ახალგაზრდა კომკავშირელები		„	„	10 კაბ.
39.	„კომბლე“ სურათებიანი წიგნი		„	„	65 კაბ.
40.	„ლენინის საათი სკოლაში“		„	„	50 კაბ.
41.	„ტაიგის საუნჯენი“		„	„	40 კაბ.

მიიღება ხალის მოწერა ქართულ მოწაფეთა უძველესიკრულ გაზეთი

„მოწაფის ხმა“-ზე

ხალის მოწერა სწარმოებს თვიურად და წლიურად

თვიურად პროვინციაში გადაგზავნით ღირს სამი ზაზრი, ტფილისში—12 კაპეიკა.

წლიურად—თვიური ანგარიშის მიხედვით. ფულის გადაგზავნა მარკებითაც შეიძლება.

ჩედაქცია და კანტორა: ტფილისი, განათლების სახალხო კომისარიატი. „მოწაფის ხმა“.

— 1925 წ. —

გ ა ე ო ღ ი ს

უძველესი საზოგადოებრივი წესდებები

მეცხრედილობის წითელი სხივი წიგნი 2

მცირე წიგნი ნაკადული წიგნი XXI

შუბნის გამომცემი ს. ს. ს. რეპუბლიკის ყველა სოციალისტური საზოგადოება.

ლენინის სახელობის საქართველოს გავრცელებული კომუნისტური ჯგუფების უძველესი წიგნის, ორგანიზაციის უძველესი კოლექციის, გავრცელებული კომუნისტური მოძრაობის თვითნაწილი ხელმძღვანელის, გიგლიოტა-კევის და საგონებულებების ვალდებულებას გამოიწვევს

„წითელი სხივი“

და

„ნაკადული“

ხელის მოწერა მიიღება წლიურად:

„წითელი სხივი“ გადაგზავნით — 5 მან.
„ნაკადული“ „ „ — 3 მან. 50 კაპ.

ცალკე „წითელი სხივი“ — 45 კაპ.
„ნაკადული“ — 30 კაპ.

მისამართი: ტფილისი. რუსთაველის გამზირი № 31, განათლების სახელმწიფო კომისარიატი. „წითელი სხივი“-ს და „ნაკადული“-ს რედაქციის.

რედაქტორი — სერგეი კოლმეი

ტირაჟი 3,000